

# আলেখ্য



কতকগুলি চিত্র

দ্বিজেন্দ্রলাল রায়

গুরুদাস চট্টোপাধ্যায় এণ্ড সন্স  
২০৩/১২, কর্ণওয়ালিস্ স্ট্রীট, কলিকাতা

অগ্রহায়ণ—১৩৩১

মূল্য ১ টাকা মাত্র



প্রিন্টার—শ্রীনরেন্দ্রনাথ কোঁটার  
স্মারতরুধ প্রিণ্টিং ওয়ার্কস্  
২০৩/৪/৫, কৰ্ণওয়ালিস ষ্ট্রীট, কলিকাতা

## 'গ্রন্থকারের অন্যান্য পুস্তক

১। ছর্গাদাস ( মিনার্ভার অভিনীত )	১০
২। তারাবাই ( মিনার্ভা, ক্লাসিক ও ইউনিকে অভিনীত )	১
৩। মুরজাহান ( মিনার্ভার অভিনীত )	১
৪। মেবার পতন ( ঐ )	১
৫। সাজাহান ( ঐ )	১
৬। বিরহ ( নাটিকা ) ( ঠারে অভিনীত )	১০
৭। প্রায়শ্চিত্ত ( প্রহসন ) ( ক্লাসিকে অভিনীত )	১০
৮। পাষণী ( গীতি নাটিকা )	৫০
৯। কবি অবতার ( প্রহসন )	১০
১০। সোরাব-রুম ( নাট্য রঙ্গ ) ( মিনার্ভার অভিনীত )	১০
১১। সীতা ( নাট্যকাব্য )	১
১২। মন্ত্র ( কবিতা )	১০
১৩। আলোখ্য ( কবিতা )	১
১৪। আষাঢ়ে ( হাস্য কবিতা )	১০
১৫। হাসির গান	১
১৬। একঘরে ( বিলাতফের্তাদের একঘরে করা বিষয়ে মতামত )	১০
১৭। চন্দ্রশুভ্র ( মিনার্ভার অভিনীত )	১
১৮। পুনর্জন্ম ( প্রহসন ) ( মিনার্ভার অভিনীত )	১০
১৯। পরপারে ( ঠারে অভিনীত )	১০
২০। আনন্দ বিদায় ( প্যারডি ) ( ঠারে অভিনীত )	১০
২১। ভীষ্ম ( নাটক )	১০
২২। ত্র্যম্পর্শ ( প্রহসন )	১০
২৩। ত্রিবেণী ( কবিতা )	১
২৪। কালিদাস ও ভবভূতি ( সমালোচনা )	১
২৫। গান	১
২৬। সিংহল বিজয় ( মিনার্ভার অভিনীত )	১০
২৭। বঙ্গনারী ( ঐ )	১
২৮। রাগাপ্রতাপ	১০
২৯। Lessons in English ( in three parts ) ( স্কুলপাঠ্য )	৫০
৩০। Crops of Bengal	১

শুক্রদাস চট্টোপাধ্যায় এণ্ড সন্স, ২০৩/১১, কর্ণওয়ালিস্ স্ট্রীট, কলিকাতা।

প্রাচ্য ও প্রতীচ্য সঙ্গীত-কলা-কুশলী  
শ্রীদিলীপকুমার রায় প্রণীত

# দ্বিজেন্দ্র-গীতি

প্রথম ভাগ

ইহাতে স্বর্গীয় দ্বিজেন্দ্রলাল রায়,

মহাশয়ের প্রণীত

অক্ষয় কীর্তি—অমর গাথা—প্রাণস্পর্শী

চল্লিশটি গানের অতি সুন্দর—বিশদ

স্বল্পলিপি,

প্রকাশিত হইয়াছে।

মূল্য—১।।০.মাত্র

গুরুদাস চট্টোপাধ্যায় এণ্ড সন্স,

২০৩।১।১, কর্ণওয়ালিস্ স্ট্রীট, কলিকাতা

## ভূমিকা

আমার কতকগুলি পূর্বে মাসিক পত্রিকাদিতে প্রকাশিত ও কতকগুলি অপ্রকাশিত কবিতা একত্রিত করে' আলেক্স নামে ছাপান গেল। আমার এগুলি পুস্তকাকারে ছাপাবার আদৌ মতলব ছিল না। জনকতক বন্ধুর বিশেষ অনুরোধে ছাপালাম।

যখন এককবিতাগুলি বহির আকারে ছাপালামই, তখন এগুলির ছন্দ, ভাষা ও ভাব সম্বন্ধে কিছু বলা দরকার বিবেচনা করি।

প্রথমতঃ ছন্দ। এ কবিতাগুলির ছন্দ মাত্রিক ( Syllabic ) ; 'অক্ষর হিসাবে' ছন্দ নয়। দাশরথি রায়ের সময় কি তাহার পূর্ব হতে এ ছন্দ বঙ্গদেশে প্রচলিত আছে। ভারতচন্দ্র ও তাঁর পরবর্তী কবিগণ প্রায়ই এ ছন্দ বর্জন করে' 'অক্ষর হিসাবে' ছন্দ প্রবর্তিত করেন। আমি সেই পুরাণো মাত্রিক ছন্দেই এ কবিতাগুলি রচনা করেছি। তফাৎ এই যে আমি সেই ছন্দকে সম্পূর্ণভাবে মাত্রার ও তালের অধীন কর্তে চেষ্টা করেছি।

১ম উদাহরণ।                   |                   |                   |                   |  
প্রাতরাশে ব্যস্ত ছিলাম আমি  
  |                   |                   |  
  প্রাঙ্গণে, একা বাড়ীর মধ্যে নীচে ;

এ কবিতায় প্রতি পংক্তিতে মাত্রা দশ ( অক্ষর যতই হোক ) ; ও তাল বা ঝাঁক ( কোথায় কোথায় ঝাঁক পড়বে তা মাথায় দাঁড়ি টেনে দেখানো হয়েছে ) প্রতি পংক্তিতে তিন।

২য় উদাহরণ। কথায় কথায় যাচ্ছে শুধু কথা বেড়ে  
 গানে গানে ছেয়ে পড়লো দেশটা।

এখানে মাত্রা প্রতি দুই পংক্তিতে পর্যায়ক্রমে বারো ও দশ। তাল প্রতি পংক্তিতে চার। প্রতি দ্বিতীয় পংক্তির শেষ মাত্রা (দশম মাত্রা) যুক্তাক্ষরধ্বনিক।

৩য় উদাহরণ। কাব্য নরক ছন্দোবন্ধ  
 মিষ্ট শব্দের কথার হার

এখানে মাত্রা পর্যায়ক্রমিক আট ও সাত। তাল প্রতি পংক্তিতে চার।

৪র্থ উদাহরণ। সহেনাক কিছুই বেশী সহেনাক রাজাধিরাজ  
 অতি দস্তী অত্যাচারী পেতে হবে রাজা।

এখানে মাত্রা আনুক্রমিক বোল ও চৌদ্দ। তাল প্রতি পংক্তিতে চার।

তাল বিভাগ করে' আরো বাড়ানো যায় ; তবে তাতে ছন্দ রচনা করা একটু অধিক দুঃস্বপ্ন হয়। অনেক সময় তাল ঠিক কোন্ জায়গায় পড়বে তা অর্থের উপর নির্ভর করে।

আর উদাহরণ দেওয়ার প্রয়োজন নাই বোধ হয়। একবার ব্যাপারটা অভ্যস্ত হয়ে গেলে পরে এ ছন্দ পড়া অভ্যস্ত সোজা হবে। আর এই ছন্দের মধ্যে একটা বিশেষ শৃঙ্খলা সঙ্গীত ও শক্তি লক্ষিত হবে।

# উপহার

অনুজ্ঞাপম

শ্রীযুক্ত দেবকুমার রায়চৌধুরী

করকমলেষু—





# সূচীপত্র

বিষয়				পৃষ্ঠা
যুমন্ত শিশু	...	...	...	১
পুত্রকণ্ঠার বিবাদ	...	...	...	৫
নূতন মাতা	...	...	...	১১
বুড়োবুড়ী	...	...	...	১৪
বিপত্নীক	...	...	...	১৭
মাতৃহারা	...	...	...	২৪
বিবাহ বাত্রী	...	...	...	৩০
নর্তকী	...	...	...	৩৬
হতভাগা	...	...	...	৪৩
বিধবা	...	...	...	৪৯
সিরাজদেলা	...	...	...	৫৯
মগুপ	...	...	...	৬৭
রাখাল বালক	...	...	...	৭৯
নেতা	...	...	...	৮৭
ভক্ত	...	...	...	৯৩
রাজা	...	...	...	৯৭
কবি	...	...	...	১০১
বিপত্নীক (২)	...	...	...	১০৩
সত্যযুগ	...	...	...	১০৭



এ ছন্দ যে প্রচলিত ছন্দের চেয়ে অধিক স্বাভাবিক সে বিষয়ে সন্দেহ নাই। “কোমল তরল জল” কেহ “কো-ম-ল-ত-র-ল-জ-ল” পড়ে না, “কোমল তরল জল” পড়ে। এ ছন্দেও শেষোক্ত রূপ উচ্চারণ ( অর্থাৎ শব্দের যেরূপ উচ্চারণ কথাবার্তায় ব্যবহৃত হয় সেই রকম উচ্চারণ ) কর্তে হবে। ~~অন্য~~ উচ্চারণ কলে ছন্দ মাত্রিক হবে না ও যতি ভঙ্গ হবে।

তার পরে ভাষা। যতদূর স্বাভাবিক ও প্রচলিত ভাষা ব্যবহার কর্তে পারি ( স্বেচ্ছাব্যতা, মর্যাদা ও সদর্থ বজায় রেখে ) চেষ্টা করেছি। ক্রিয়া-পদের সর্বত্রই প্রচলিত আকার ব্যবহার করেছি—যেমন যাচ্ছি, কর্ছিলাম, ইত্যাদি। অত্র পদ নির্বাচনে আমার লক্ষ্য প্রধানতঃ প্রচলিত শব্দ ব্যবহার করা। তবে অপ্রচলিত শব্দ একেবারে বর্জন করিনি। নানা খনি হতে রত্ন আহরণ করায় ভাষার ক্ষতি নাই, বরং তাতে সমৃদ্ধ লাভ। তবে আমার ধারণা এই যে, যেখানে বাঙ্গালা শব্দ বা বচন আসল বাঙ্গালা ভাষাট বেণী জোরে প্রকাশ করে, অথবা যেখানে বাঙ্গালা শব্দটি বা বচনটি বেশ নিজের জোরে দাঁড়াতে পারে, সেখানে সেই বাঙ্গালা শব্দ ও বচনই ব্যবহার করা কর্তব্য। তাতেই বাঙ্গালা কবিতা হবে। ইংরাজি বা সংস্কৃত বচন অনুকরণ করে ঝিঞ্জলে সে ইংরাজি বা সংস্কৃত কবিতার অনুকরণ হবে। কবিতা হবে না। “শুঁতোর চোটে বাবা বলায়” কি “ভাতে মেরোনা” এই রকম জোরের বচন ইংরাজিতে বা সংস্কৃততে কেহ অনুবাদ করুন দেখি।

তার পরে ভাব। এই খানেকই গোল। এখানে আমার বক্তব্যটি জোর করে বলতে গেলে অনেক তর্কপ্রিয় ও ব্যঙ্গপ্রিয় ব্যক্তি তর্ক ও ব্যঙ্গ করবেন। প্রতিপক্ষের সঙ্গে তর্ক বা ব্যঙ্গ কর্তে আমার আপত্তি নাই।

তবে কোন বিশেষ কারণ বশতঃ বঙ্গীয় মাসিক পত্রিকার এই লেখকদের সঙ্গে আমার তর্ক বা ব্যঙ্গ করবার প্রবৃত্তি নাই। সেই জন্য এই কবিতাগুলির ভাব সম্বন্ধে গ্রন্থকারের নিজের নীরব থাকাই ভালো। তবে এটুকু আমার স্বীকার করায় দোষ নাই যে এ পদ্যগুলি কবিতা হোক বা না হোক—গ্রন্থলিপি নয়। এ গ্রন্থের কোন কবিতা-শব্দে, 'তুর্য-মানে দশজনে দশ রকম বের করে' তাঁদের নিজের মধ্যে বিবাদ করার প্রয়োজন হবে না। কবিতাগুলির মানে যদি থাকে ত এক রকমই আছে। কোন কবিতার দুই একটি শ্লোক যদি বোঝা না যায়, সেখানে আমি বলবো যে সেটা আমার ভাষার দোষ ; 'বৃহৎ ভাব' দাবী করি না। পরিশেষে এও বলে রাখি যে আমার বর্ণিত বিষয়গুলি পার্থিব ; আমি যে ভাবের ধারণা কর্তে পারি সেই ভাব সম্বন্ধেই লিখি ; আর আমি নিজের কবিতার মানে নিজে বেশ বুঝতে পারি।

গয়া  
২৬শে বৈশাখ, ১৩১৪ }

গ্রন্থকার

প্রাচ্য ও প্রতীচ্য সঙ্গীত-কলা-কুশলী  
শ্রীদিলীপকুমার রায় প্রণীত

স্বর্গীয়

দ্বিজেন্দ্রলাল রায়ের


## হাস্যের গানের স্বরলিপি

কবিবর দ্বিজেন্দ্রলালের গান হাস্যরসের  
অফুরন্ত উৎস। সুযোগ্য সঙ্গীতানুরাগীর  
স্বরলিপিতে তাহার যে বাক্য উঠিয়াছে,  
তাহা বড়ই মধুর ও উপভোগ্য। প্রথম  
শিক্ষার্থীদের উপযোগী করিয়াই সহজ  
সুন্দর স্বরলিপি প্রস্তুত করা হইয়াছে।

গুরুদাস চট্টোপাধ্যায় এণ্ড সন্স.

২০৩।১।১, কর্ণওয়ালিস স্ট্রীট, কলিকাতা









# আলেখ্য

প্রথম চিত্র

(সুমন্ত শিশু)

১

হেমন্তে,—নিস্কর শিশু শান্ত হৃদয় বেলা,  
বকুল তলায় ঘাসের উপর, একান্ত একেলা,  
খুলা নিয়ে আপন মনে খেলা করে' খানিক,  
ঘুমিয়ে গেছে যাহু আমার, ঘুমিয়ে গেছে মাণিক ।

২

খুলার প্রাসাদ তৈরি করে' বাছার গরব ভারি ;  
নিজের বাহুছবি টুকু কর্তে যেন জারি,  
বাজাছিল কাঠি দিয়ে কাঠের বাস ভাঙা,  
হাতে আরো মিষ্ট করে' ওষ্ট ছটি রাঙা,  
আপন মনে তৈরি সুরে আপন মনে গেয়ে ;—  
এমন সুময় ঘুমটি এল নয়ন-ছটি ছেয়ে,  
অঙ্গ এল অবশ হয়ে, খেলা গেল চুকে,  
হাঁতের কাঠি রৈল হাতে, মুখের হাসি মুখে,

চক্ষু ছুটি মুদে এল ;—শীতল শাল্য ছপর',  
সোণার বাছা ঘুমিয়ে গেল শ্রামল ঘাসের উপর

৩

মন্দীভূত করে' আরো শীতের সূর্য্যতাপে  
বহে বাতাস ;—চুলগুলি তার সেই বাতাসে কাঁপে  
মর্শরিয়া রৌদ্রতলে তিরুর পত্র নড়ে,  
ঝিকিঝিকি কিরণ বাছার মুখে এসে পড়ে ;  
উপর দিকে ঘনশ্রামল চন্দ্রাতপ রাজে ;  
নীচের শাখে ঘুঘু ডাকে পাতার কুঞ্জ মাঝে ;  
ঘিরে তারে চারিধারে, হরিৎক্ষেত্র হেন  
রবির করে ছবির মতন,—নড়ে না ক' যেন ;  
বৎস সঙ্গে চরে ধেনু দূরে দলে দলে ;  
বাজায় বেড়ে রাখাল বালুক আত্রি গাছের তলে ;  
সিঁচায় বারি কৃষকনারী আলুর ক্ষুদ্র মাঠে ;  
সুদূর জলার পুরুষগুলি শীতের ধাত্ত কাটে ;  
পথের গায়ে ইক্ষুছায়ে হরিণ বসে' থাকে ;  
যাচ্ছে ঘরে গ্রাম্যবধু পূর্ণকুন্ত কাঁকে ;  
—চারিদিকে এমন শান্ত, নীরব, মধুর ছবি ;  
ধু ধু করে ধূসর আকাশ, কিরণ দিচ্ছে রবি ;  
তার মাঝেতে, সবার সেরা, সবার মধ্যস্থলে,  
ঘুমিয়ে গেছে বাছা আমার বকুল গাছের তলে ।

## প্রথম চিত্র

৩

৪

ওগো তোরা কতই জিনিষ দেখেছিস্, না জানি ;  
দেখেছিস্ কেউ কোনখানে এমন ছবি খানি ?  
একা একা—না হতে তার সাজ ধূলাখেলা,—  
এমন স্থানে, এমন নিদ্রা, এমন দুপরবেলা ;—  
●পায়ের তলে ফেটে পড়ে তরুণ স্বর্ণপ্রভা ;  
যুমিয়ে দুইটি মুঠোর ভিতর দুইটি রক্ত জবা ;  
●দুইটি গণ্ড' পরে দুইটি রক্তপদ্ম ফোটে ;  
অরুণ লোখা লেপেছে কে দুইটি রাঙা ঠোঁটে ;  
বৃক্ষমূলে হেলান দিয়ে, বৃক্ষে রেখে মাথা ;  
বিরল দুইটি ভুরু নীচে অঁথির দুইটি পাতা ;  
বকুল গাছটি চোকী দিচ্ছে মাথায় ধরে' ছাতি ;  
মাটির উপর দিয়েছে কে শ্যামল শয্যা পাতি' ;  
চরণে তার গড়ায় পৃথ্বী, উপরে নীল গগন ;—  
●মাঝখানে তার যাহু আমার গভীর নিদ্রামর্গন ।

৫

শরৎকালের পূর্ণশশী বড়ই মধুর বটে,  
তারায় যখন ঘিরে থাকে নীল আকাশের পটে ;  
দেখতে মধুর—শৈবালেতে ঘেরা শতদলে,  
যখন একটি ফুটে থাকে স্নানীল স্বচ্ছ জলে ;  
—নাইকু কিন্তু বিশ্বে কিছু এমন মনলোভা,  
শ্যামল বনের মাঝে যেমন আমার বাছার শোভা ।

তাহার শুঁখু শোভার জগ্ৰ সবার সৃষ্টি হেন ;  
 গরবিনী পৃথ্বী তারে বক্ষে ধরে' যেন ;  
 দেখতে সবাই পিছে যেন সারি বেঁধে দাঁড়ায়,—  
 বসুন্ধরা নিয়ে তারে ঘুমটি কেমন পাড়ায় ।

৬

এ কি খেয়াল বাছারে তোর ? গাছের তলে, ভুঁয়ে,  
 কেবল ছটোঁ ঘাস বিছানো ধুলার উপর শুয়ে ?  
 মোক্ৰষি তোর মায়ের কোলে, বাপের বুকে, হেন  
 ছেড়ে এসে, বাছারে তুই হেথায় শুয়ে কেন ?  
 আয়রে আমার ননীর পুতুল, আয়রে আমার পাখী,  
 —ধুলার কেন ? আয়রে তোরে বুকে ক'রে রাখি ।

৭

না না ;—ঘুমা এমনি করে'—আঁহা মরি, একি  
 মধুর ছবি !—ঘুমা, আমি নয়ন ভরে' দেখি !  
 এমন বকুল তলায়, এমন শান্ত বনভূমে,  
 আরো খানিক থাকরে যাহু, মগ্ন গাঢ় ঘুমে ।  
 চিত্রকরটি হতাম যদি, তোরে এমন হৃদখে,  
 রেখে দিতাম যত্ন করে' সোণার পটে একে ।  
 ঘুমা এমনি মুগ্ধ হয়ে' দেখি আমি খানিক,  
 ঘুমা আমার সোণার যাহু, ঘুমা আমার মাণিক ।

কার্তিক, ১৩০৮ ।

## দ্বিতীয় চিত্র

( পুত্রকন্যার বিবাদ )

১

প্রাতরাশে ব্যস্ত ছিলাম আমি,  
প্রাতে, একা বাটার মধ্যে নীচে ;  
সম্মুখে এক সম্মার্জনী ছটা ;  
ছেঁড়া চটার একটা পাটি পিছে ;  
ডাইনে বামে কিয়ৎ পরিমাণে—  
ঘড়া এবং ঘট এবং বাটা ;  
মাথার উপর সিকেয় তোলা গদি ;  
ঘরের কোণে জড়ানো এক পাটি ;  
রাস্তার উপর কুকুর দলের বিবাদ ;  
আশেপাশে বিড়াল বেড়ায় ঘুরে ;  
দাঁড়ে বোসে চেঁচাচ্ছে এক টিয়া ;  
• রসুই-বামুন চেঁচাচ্ছে অদূরে ; •  
উপরতলায় দাসের এবং দাসীর  
মহাতর্ক, — কলধ্বনি তুলি' ;  
গৃহিণীটি ব্যস্ত গৃহ কাজে ,  
কর্ছে ঝগড়া পুত্রকন্যাগুলি ।

পুত্র কণ্ঠার কলহ কি কারণ  
 খুঁজতে গিয়ে, দেখলাম নহে কিছু—  
 কণ্ঠা একটা রঙ্গিন পীড়য়ে বোসে,  
 পুত্র তারে ঠেলা দিচ্ছেন পিছু ;  
 পুত্র যাচ্ছেন আসন কর্তে দখল,  
 কণ্ঠা কিন্তু নাছোড়বন্দ তাই ;—  
 একজন রাজ্যআক্রমণকারী,  
 আর একজন তা রক্ষা কর্তে চাহে ।  
 পুত্র কিন্তু বয়োজ্যেষ্ঠ, বিশেষ  
 বলিষ্ঠ সে স্বতঃই কণ্ঠার চেয়ে ;  
 যতই পুত্র পিঠে দিচ্ছেন ঠেলা,  
 ততই উচ্চ চোঁচাচ্ছেন তাই মেয়ে ;  
 অন্তরে বিরক্ত ইচ্ছা ক্রমেই,  
 কথা কিছু কচ্ছি না ক কা'কে ;  
 বিচার কচ্ছি কেবল মনে মনে—  
 ছেলে পিলে অমন ক'রেই থাকে ।

ব্রাহ্মণ দিতে খাবার ক'ছে দেরি,  
 দে দিক পানে আশায় চেয়ে আছি ;—  
 ঘরের বাইরে বিষম রকম গরম,  
 ঘরের মধ্যে বিষম রকম মাছি ।

## দ্বিতীয় চিত্র

৭

পরে যখন খাবার এল শেষে,  
নহে চৰ্ব্ব চৌষ্য লেহ পেয় )  
যৎসামান্য তণ্ডুল এবং ডাউল,  
বেষম রকম গরম দেখি সে ও ;  
—এখন ধরুন আমি কোন কালেই  
হি যোগী ঋষি কিংবা মুনি,  
ধাতু কিম্বা প্রস্তর কিম্বা মাটি,  
কিম্বা কোন বিশেষ রকম গুণী ;  
আমি ঐকটা সাদাসিদে মানুষ ;—  
তপ্ত অন্নের সংস্পর্শে এসে,  
সমান তপ্ত হোল আমার মেজাজ,  
বেশের উপর চোটে উঠলাম শেষে ।  
ঠিক এ সময়, পুত্ররক্তধারা  
মর্দাপেক্ষা প্রবল ধাক্কা খেয়ে,  
চীৎপাৎ হোয়ে মাটির উপর পড়ে,  
চীৎকার ছেড়ে কেঁদে উঠলো মেয়ে ।  
তখন আমি ধৈর্য্যচ্যুত ; তখন  
পুত্রে দিলাম ভীষণ তাড়া হেন ;  
• থেমে গেল কণ্ঠার রোদন ভয়ে,  
পুত্রও ভয়ে কেঁপে উঠলো যেন ।  
• ৪  
—এখন সবাই আমায় বলেন, আমি  
কণ্ঠার চেয়ে পুত্রের দিকেই টানি ;

## আলেখ্য

যেটা যা হোক, এটা কিন্তু দেখি  
কল্পার চেয়ে পুত্রই অভিমানী।—

তাড়া খেয়ে, পীড়ের মায়া ছেড়ে,  
মেয়ের সঙ্গে ঝগড়া ঝাঁটি ফেলে,

উঠে' গিয়ে কাঁদো কাঁদো মুখে,  
দাঁড়ালো এক ঘরের কোণে ছেলে।

তখন মেয়ে—বলবো আমি খুলে ?  
বিশ্বাস হয়ত করবে নাক তুমি—

যখন দেখলো যুদ্ধে সেই জয়ী,  
পরিত্যক্ত শূন্য যুদ্ধ-ভূমি ;

নিষ্ঠুর তাহার অত্যাচারী 'দাদা'  
নিভাস্তই পরাস্ত সে স্থানে,

হুঃখে অবনত চক্ষু দুটি

ছল ছল, ক্ষোভে, অভিমানে ;

তখন মেয়ে—বলতে গিয়া আজি,  
বাস্পে হঠাৎ ছেয়ে আসে আঁখি,

এমন মধুর বিমল দৃশ্য আমি  
পৃথিবীতে অল্পই দেখে থাকি—

তখন কল্পা আসন থেকে উঠে,  
গেল চলে' দাদার কাছে ছুটে,

ছল ছল চক্ষে পকাতরে  
ধোরে ছুটি দাদার করপুটে—



## দ্বিতীয় চিত্র

২

কহে “দাদা বোসো”—এই ভাবে  
যেন সেই-ই কতই অপরাধী—

“বোসো দাদা, আসন দেছি ছেড়ে,  
বোসো দাদা হাতে ধরে সাধি।”

৫

মরি ! মরি ! একি মধুর ছবি !  
ওরে শিশু ! ওরে ক্ষুদ্র নারী !

এই মায়ায়, এই স্বার্থ ত্যাগে  
পেলি কোথা বুঝতে নাহি পারি !

কোথা গেল বৈজ্ঞানিকী বাণী ?  
—তোরে শিশু শেখায় নি ত কেহ

পৃথিবীটা স্বার্থভরা যদি,  
তুইরে কোথা পেলি এত স্নেহ ?

অকুরিত এই পুষ্পবীজুই,  
বিশ্বে এই আবর্জনার স্তূপে,  
পরে বুঝি হয় রে প্রস্ফুটিত  
‘সরলা’ কি ‘সূর্যমুখী’ রূপে ।

৬

পুরুষরা ত স্বার্থমগ্ন ; যদি  
রৈত স্বার্থ নারীর প্রেমমূলে,  
আমাদের এই পাপের বশুধরা  
পাপে ভরে’ উঠ তো কলে কলে ।

৭

মরি ! মরি ! এ কি দৃশ্য ! এ কি  
রিলি রে আমার চোখের কাছে !

এ পদার্থ কোথা হতে এল !

এও না কি পৃথিবীতে আছে !

মিথ্যাষন্দহিংসালিপ্সাতরা

স্বার্থময় এ শুষ্ক ধরাতলে,

এও আছে ?—দেখে' যে ছবি  
সক্ষু ভরে' আসে বাষ্প-জলে !

৮

মনে হোলো—'শুধু স্বার্থ নহে,  
স্বার্থত্যাগও আছে এ সংসারে ;

পৃথিবীটা যত ধারাপ ভাবি,  
তত ধারাপ না হতেও পারে' ।

মাঘ, ১৩০২ ।

## তৃতীয় চিত্র

( নূতন মাতা )

১

“আয় চাঁদ আ’রে  
নূতন মেয়ে কোলে  
কতু না আহ্লাদে,  
“আয় চাঁদ আ’রে

চিক্ দিয়ে যারে”  
মাতা, মধুর বোলে,  
ডাকছে পূর্ণ চাঁদে—  
চিক্ দিয়ে যারে।”

২

সুনীল সন্ধ্যাকাশে  
পূর্বাঙ্গনে । ধীরে,  
পুষ্পগন্ধ মধুর  
ফুলের বাগান হ’তে  
বালকবৃন্দ চলে,  
উজ্জ্বল হান্তমুখে,  
গাছের উপর থেকে  
পাপিয়া এক । দূরে  
বোসে কোন্ এক চাষী,  
—বাঁশীর ধ্বনি ধেয়ে,  
পড়ছে গিয়ে শেষে,  
ছড়িয়ে ইতস্ততঃ

শরচ্ছন্দ্র ভাসে,  
সুমন্দ সমীরে,  
ভেসে আসুছে, অদূর  
অন্তঃপুরে । পথে  
উচ্চ কোলাহলে,  
চিত্তাশূণ্য স্থখে •  
উঠছে ডেকে ডেকে  
প্রবল মিঠে সুরে,  
বাজার মেঠো সুরে,  
সুনীল আকাশ ছেয়ে,  
ধরার উপর এসে,  
তারাযাজির মত ।

৩

এমন সময় বোসে,  
নূতন মাতা,—কোলে  
ডাক্ছে মধুর ডাকে,  
“আয় চাঁদ আ’রে

বাড়ীর মধ্যে, ও সে  
একটি পুষ্প দোলে—  
পূর্ণ চন্দ্রমাকে—  
চিক্ দিয়ে যারে।”

৪

চাঁদের কিরণ এসে,  
কোমল মুখে, দেহে,  
চাঁদের কিরণ, এসে  
মেঘের কচি মুখে,

মেয়ের মায়ের কেশে,  
পড়েছে সে, ছেয়ে।  
তলে’ পড়েছে সে  
মেয়ের কচি বুকে।

৫

ডাক্ছে মাতা চাঁদে,  
বড় আঁদর ভরে,  
“আয় চাঁদ আ’রে,

বড় মনের সার্থে,  
বড় মধুর স্বরে—  
চিক্ দিয়ে যারে।”

৬

চাঁদটি বোসে হাঁসে  
জানি না কোন্ প্রাণে  
এ ডাক শুনেও বসি’  
ডাকে মা “চাঁদ আ’রে  
এক বার তাকায় সাধে  
আবার তাকায় সুখে

শান্ত নীলাকাশে ;  
রয়েছে সেখানে,  
‘কঠিন শরৎ শশী।  
চিক্ দিয়ে যারে।’  
আকাশের ঐ চাঁদে,  
কোলের চাঁদের মুখে।

হাস মেয়ে ! ডাকে                      শরচ্চন্দ্রমাক্রে  
সঙ্গে সঙ্গে—“আ”রে                    চিক্ দিয়ে যারে”  
—হাসে মেয়ে । হাসে                    চন্দ্র নীলাকাশে ।  
হাসে মা ।—এ ধরায়,                    তিনের হাসি গড়ায় ।

৭

হুকিয়ে হুকিয়ে আমি                    মেয়ের মায়ের স্বামী—  
হুকিয়ে আমি কবি                        তুলে নিলাম ছবি ।

কার্তিক, ১৩১০ ।

## চতুর্থ চিত্র

### বুড়োবুড়ি

১

যাপন করি" দীর্ঘ দিবা, হুঃখে সুখে একত্রে সে,—

এখন সন্ধ্যা বেলা,

—এখনো সে পরস্পরে বিভোর আছে হৃদয় দুটি,

খেলেছে প্রেমের খেলা ।

কত বাঞ্চার মধ্য দিগ্না প্রবাহিয়া, যুগ্মতরী,

প্রকৃত প্রস্তাবে,

আজি পৌঁছিয়াছে শেষে স্বীপের উপকূলে এসে

অবিচ্ছিন্ন ভাবে ।

২

অঙ্কুরিত হয়েছিল প্রায় অর্ধশতাব্দী পূর্বে.

এ প্রেম—সঙ্গোপনে,

নিভূতে, এক গ্রামের কোণে, শুভক্ষণে, অলক্ষিত,

দূরে, উপবনে ।

জেগেছিল সুদিনে সে ;—সূর্যের মধুর কিরণ গায়ে

লেগেছিল এসে ;

## চতুর্থ চিত্র

১৫

বহেছিল মধুর বাতাস ; গেয়েছিল পাখী ; আকাশ  
চেয়েছিল হেসে ।

সে তরুণী ক্রমে ক্রমে বড় হোল ; কুমুমরাশি  
ফুটলো কত গাছে ;  
কত শীতে, কত রোদে, কত ঝাঝায়, এ তরুণী  
আজো টিকে আছে ।

৩

বড়ই মধুর প্রথম প্রেমের প্রথম আবেগ, প্রথম বিকাশ,  
প্রথম মিলন আশা ;  
বড়ই মধুর পরস্পরে চুরি করা প্রথম দৃষ্টি,  
প্রথম প্রেমের ভাষা ।  
বুড়োবুড়ির প্রেমে নাইক সে উচ্ছ্বাসটি, সে তরঙ্গ,  
কল্লোল, আজি যদি ;  
অ প্রেম বহে সুনীল, স্বচ্ছ সমুদ্রস্রঙ্গমের মত,  
গভীর নিরবধি ।

৪

দুইটি হৃদয়, দুইটি ইচ্ছা, একটি সূত্রে চিরজীবন,  
বাধা আছে যবে ;  
হয়নি কভু তা'দের বিবাদ, বিলাপ, বিরাগ পরস্পরে,  
কে শুনেছে কবে ?  
মানুষ স্বতঃই স্বার্থমুগ্ধ ; নিজের সুখটি সবার চেয়ে  
নিত্য বোঝে বটে ;

যে তার বাঁধা, যে তার বিঘ্ন,—তা অবশ্যস্তাবী হোলোও  
তার উপরে চটে ।

ছেয়ে তাদের যুগল-জীবন গেছে হেন কতই বিবাদ,  
বিপদ, আপদরাশি ;

এখানো ত টিকে আছে ; হর্ষ আছে মনের ভিতর,  
মুখে আছে হাসি ।

৫

তাই ত বলি এ দৃশ্যটি একটি অতি মধুর বস্তু ;—  
এ অপূর্ব জুড়ী ;

পরস্পরে বিভোর আজো পরস্পরের হাতটি ধরে—  
বুড়ো এবং বুড়ী ।

জ্যৈষ্ঠ, ১৩১০ ।



## পঞ্চম চিত্র

### বিপত্নীক

১

শ্রান্ত দেহে, সন্ধ্যাকালে, ফিরে এসে, যখন  
আপন ঘরে যা'বো ;  
কাহার কাছে বসবো এসে তখন আমি ?—কাহার  
মুখের পানে চা'বো ?  
ক্ষুদ্র হঃস্বখের কথা কইব আমি এখন  
কাহার কাছে এসে ?  
বাহার কাছে কইতাম নিত্য,—গৃহ আঁধার কোরে  
চোলে গিয়েছে সে ।

২

অপমানে খিন্ন প্রাণে পড়তাম যখন এসে,  
তাহার কাছে লুটে ;  
শান্তিসুধারানি দিবে, ধুয়ে দিত ক্ষত,  
কোমল করপুটে ;  
শুভদৃষ্টি ছড়িয়ে দিত তাহার রূপের প্রভার  
পরিপূর্ণ ঘরে ;  
বাড়ীর যত কর্ণধ্বনি শুকে যেত, তাহার  
কোমল কণ্ঠস্বরে ।

## আলেখ্য

বাণবিদ্ধ পাখীর মত, বহির্জগৎ হতে  
 আসতাম যখন নীড়ে ;  
 তখন, নিত প্রাণের মধ্যে আমারে সে গভীর  
 স্নেহ দিয়ে ধিরে ।  
 ভাবতাম তখন বহির্জগৎ, আঁধার বটে আমার,  
 শূন্য বটে, মানি ;  
 তবু একটি স্নিগ্ধজ্যোতি বিমল হাশ্বে পূর্ণ  
 আমার গৃহখানি ।

৩

অতি বিজন, গাছে ঘেরা পরিত্যক্ত মাঠে,  
 বেঁধেছিলাম কুঁড়ে ;  
 ভেবেছিলাম, বাকী জীবন তাতেই কাটিয়ে দেবো ;  
 —তাও গেল পুড়ে ।  
 সংসার পেতে নিয়েছিলাম, সাক্ষ করে' আমার  
 সাধের বেচা কেনা ;  
 বসেছিলাম মিটিয়ে দিয়ে, হিসাব নিকাশ কোরে,  
 সবার পাওনা দেনা ;  
 যাহা কিছু এ জগতে আমার বোলে দাওয়া  
 কর্তে পারি, জানি,  
 তাই দিয়ে, যত্ব কোরে, সাজিয়ে নিয়েছিলাম  
 আমার কুঁড়ে খানি ;

## পঞ্চম চিত্র

১৯

পূর্বদিকের জানালাতে টাঙিয়ে দিয়েছিলাম  
রঙিন একটি “চিকে” ;  
একটা ছোট সফর রাস্তা তৈর করেছিলাম  
বাড়ীর উত্তর দিকে ;  
লাগিয়েছিলাম পশ্চিম দিকে গোটাকতক ঝাউয়ে,  
বেড়ার ধারে ধারে ;  
দক্ষিণ দিকে গোটাকত বেলা ফুলের গাছে,  
কেয়াকুলের ঝাড়ে ;  
এমন সময় এসে, কে গো আমার বাগানখানি  
লুটে পুটে নিল !  
—এমন সময় এসে, কে গো আমার কুঁড়ে ঘরে  
আগুন ধরিয়ে দিল !  
অমনি আমার কুঁড়ের সঙ্গে, সোণার স্বপ্ন আমার  
হোয়ে গেল ছাই :  
গেছে, গেছে, সবই গেছে উড়ে পুড়ে গেছে,  
—চিহ্ন মাত্র নাই ।

৪

চাইনি আমি কখন ত কারো কাছে কিছু,  
দেয়নি কিছু কেহ ,  
কেবল তুমি, প্রিয়তমে, দিয়েছিলে, গভীর  
অযাচিত স্নেহ ।

## আলেখ্য

তোমার-আমার বিবাদ হয়নি, এমন মিথ্যা কথা

কেমন কোরে কই ?

কখনো বা আমার কসুর, কখনো বা তোমার,

হবে অবশুই ।

তুমি মানুষ আমি মানুষ, গড়া দোষে গুণে,

—একটু বেশী কম ;

তছপরি অনেক সুময়ই, বুঝতে পরস্পরে

হোতে পারে ভ্রম ।

তবু, তুমি আমার ভালবেসেছিলে, জানি, •

ভরে' তোমার বুক,

হেথায় অনেক স্বামীর ভাগ্যে ষটে না সর্বদা

যে সৌভাগ্যটুক !

•

অনেক সময় অনেক বিপদ, অনেক আলা, ছিল—

অনেক ছঃখ রাশি ;

করেছিলে, তুমি প্রিয়ে, আমার দুর্ভাগ্য নিশায়

গুরুপৌর্ণমাসী ।

বহেছিলে কোথা থেকে এসে, স্বচ্ছতোয়া •

নির্ঝরিণী তুমি । .

করেছিলে সুশ্রামলা, তোমার স্নেহে, আমার

হৃদয় মরুভূমি ।

## পঞ্চম চিত্র

২১

আমার হৃদয় সরোথরে পদ্মফুলের মতন

তুমি ফুটেছিলে ।

আমার নীরব বৃক্ষকাণ্ডে বনলতার মতন

জড়িয়ে উঠেছিলে ।

পুষ্পিত অটবী দিয়ে, দিয়েছিলে পাহাড়

ঘেরে চারিদিক

গেয়েছিলে আমার বাবলা গাছের উপর এসে,

হে বসন্ত পিক !

৬

---

পেয়েছিলাম, চেয়ে,

এমন কিছু বেশী নহে,—একটি মাত্র ছেলে,

একটি মাত্র মেয়ে ;

মেয়েটি তার মায়ের আদর, ছেলেটি তার বাপের,

কিছুাগ কোরে নিয়ে,

শলা কৰ্ত্ত, বিবাদ কৰ্ত্ত, নানিশ কৰ্ত্ত, তাদের

মায়ের কাছে গিয়ে ।

এখন তারা তাদের মায়ের কোথাও পায়না খুঁজে

—ছটি মাতৃহারা—

নাহে আমার মুখের পানে, অমনি বেগে আমার

চক্ষে বহে ধারা ।

## আলেখ্য

যখন তারা বিবাদ করে, নাগিশ করে; এখন  
 আমার কাছে এসে ;  
 দোষী এবং নির্দোষীকে ধরি সমভাবে  
 জড়িয়ে বক্ষোদেশে ।

৭

যেমন কেহ, বিষম যদি আঘাত লাগে শিরে,  
 —প্রশ্ন কর তাঁকে  
 ‘কোথায় লেগেছে’ ? সে সেটা বলতে পারে না ক—  
 স্তম্ভিত হয়ে থাকে ।

এরাও বুঝতে পারে না ক, কোথায় ব্যথা তাদের  
 সরল ক্ষুদ্র মতি !

জিজ্ঞাসাও করে না ক কি হয়েছে তাদের,—  
 সে কি মহা ক্ষতি ;  
 দেখলে বিষাদ মুখে আমার, চক্ষে আমার বারি,  
 —জড়িয়ে আমাকে

গাঢ় সহবেদনার সপ্রশ্ন নয়নে,  
 শুঁকু চেয়ে থাকে ।

৮

দিবসের পর দিবস আসে, মাসের পরে মাস,  
 আসে এই ভাবে ;  
 বর্ষের পরে বর্ষ কত জানি না একপে  
 এসে চোলে যাবে !

চলেছি এইরূপেই এ জীবনপথে,

শাস্তিস্বপ্নহীন ;

জানিনাও কখনো কি তাহার সঙ্গে দেখা

হবে কোন দিন ;

যতখানি দেখা যাচ্ছে,—ধূ ধূ করে শুধু

অসীম বারিনিধি ;

—অহো—কি মনুষ্য জন্মই তোমার বিশ্বে তৈয়ের

করেছিলে বিধি !

জ্যৈষ্ঠ, ১৩১১ ।

## ষষ্ঠ চিত্র

### মাতৃহারা

১

সাক হল' দিনের খেলা, খেয়ে চারটি তাড়াতাড়ি,  
সন্ধ্যাটি না হতে হতেই, গাঢ় ঘুমের ঘোরে,

ঘুমোচ্ছি' রে মাণিক আমার, মাতৃহারা ও-রে !

পাঁচ মিনিট না যেতে যেতেই, ঘুমিয়ে গেছিস, নেতিয়ে গেছিস,  
বাছা আমার আহরে !

—ওরে আমার বাছ-রে !

২

কে দিল তোর মাথায় বালিশ ? কে দিল তোর চাদর গায়ে ?  
কে পাড়াল ঘুম ?

ওরে আমার ভাঙ্গা ঘবে চাঁদের আলো ! ওরে আমার  
বিস্মৃত ভুলুগিত মন্দির কুমুম !

শুন্তো হুম, কর্ত্ত পেয়ার, •

যে জন, এখন নাই তু সে আর ;

মায়া কাটিয়ে চলে' সে তু গেছে এখন থেকে ;

তোকে বাছ আমার কাছে রেখে !





যতদিন সে ছিল হেথায়, তোর জগুই সে ছিল আকুল,  
তুই বলে' সে সারা ;

এখন একবার চোখের দেখা চেয়েও দেখে না সে তোরে,  
—ওয়ে মাতৃহারা !

কোথায় যে সে-চলে' গেল

•কিছুই না বলে' গেল' ;

এইটে কেবল বুঝিয়ে গেল সার—

'যে, ফিরে না সে আর ।

যাহা কিছু বিশ্বাস করে' দিয়াছিলাম তাহার কাছে,  
সে তা নিয়ে গেল ;

রচেছিলাম যে সংসার এত দিনে, এত শ্রমে ;  
—ভাসিয়ে দিয়ে গেল ।

এখন আবার নূতন যত্নে, নূতন শ্রমে, নূতন করে',  
নূতন সংসার রচি ;

আমি না হয় সৈকি পারি, তুই যে নেহাইং ক'চি !

৪

না না, তুইই সহিতে পারিস্, আমিই সহিতে পারি না ক,—  
কি জিনিষ যে হারিয়েছিস বুঝিস্ না ক তুই ।

এখন রে তোর কাছে,  
তুল্য মূল্য স্বর্ণ লোষ্ট্র, ছই ।

তাহার উপর, শিশুর হাড়ে ভেঙ্গে গেলে ঘোড়া লাগে,

আমাদের আর লাগে না কো যোড়া ;

তোদের যদি শুকায় গাছটি, শুকায় শুধু গাছের ডগা,  
আমাদের যা' একেবারে গোড়া,

টানে ছুরী রেখা যদি জলের উপর, মিলায় সেটা ;  
মিলায় না যা' পাষণ কেটে লেখে ;

আসে যদি ঐকল বাত্যা, নুইয়ে যায় সে ক্ষুদ্রতরু,  
উচ্চ বৃক্ষে যায় সে ভেঙে রেখে ।

৫

সে যদি তোর থাকতো, খানিক আবদার কর্তিস্ শোবার আগে,  
দাবী কর্তিস্ চুমা ;

টেনে নিত বুকের মাঝে, গাইত সে স্মৃৎস্বরে  
“ঘুমা যাহু ঘুমা ।”

নাই সে যদি, নিজেই নিয়ে  
চাদর খানি, গায়ে দিয়ে, ;

বালিশ দিয়ে মাথায় ;

ঘুমটি অমনি ছেয়ে এল আঁখির দুই পাতায় !  
পাঁচ মিনিট না যেতে যেতেই, ঘুমিয়ে গেলি, নেতিয়ে গেলি ;  
ছেঁড়া একটা মাদুরে,

ওরে আমার যাহুরে !

৬

বুঝিস্ না তুই নিজের দুঃখে, ওরে সুখী শালক—

তাই ত আছিস সুখে ;

বিজ্ঞ আমি, বুঝি স্তম্ভ,  
বুঝি বেশী, তাই এ ছঃখ  
বেশী বাজে বুকে ।

তাই ত খাসা ঘুমাচ্ছিস রে বেটা !  
আমার চখেই নাইক নিদ্রা, পদ্য লিখছি আমি বসে,  
তাহার উচিত মূল্য বুঝে আমার, যত লেটা !

৭

তুইও বুঝবি বড় হলে, মনে পড়বে যখন  
ছেলেবেলার কথা—

‘মায়ের যত্ন, মায়ের সেবা, সর্বদা, সর্বথা ।

নিজের মায়ে আদর করে’ ডাকবে যখন কেহ ;

তখন রে তোর মনে পড়বে. বিশ্বজগৎ হতে  
লুপ্ত মাতৃস্নেহ ;

তখন পড়বে মনে,

তুইও ঐকদিন ‘মা মা’ বলে’ ডাকতিস কোন জনে ।

—হারে শিশু এই কথাটি বড়ই বাজে প্রাণে—

যে, তোর কাছে আছে এখন এই যে মধুর ‘মা’ শব্দটি  
শুদ্ধ অভিধানে।

কি সে ছঃখ, কি সে দৈন্ত, কি সে গভীর মহাক্রতি,  
এখন তুই আর সেটা

বুঝবি কিরে বেটা ।

৮

বুঝবি তখন পড়বি যখন মাতৃস্নেহে গাথা  
 ইতিহাসে অথবা অগ্ৰথা ;  
 তখন রে তোরা আপন মায়ের কথা  
 স্বপ্নের মত ভেসে আসবে সব ;  
 তখন বুঝবি মায়ের মূল্য ;  
 বুঝবি নাই কেউ মায়ের তুল্য ;  
 তখন যাহু মায়ের অভাব করি অনুভব ।

৯

এখন ওরে মূঢ় শিশু, এখন কি তোরা কাছে  
 মায়ের মূল্য আছে ?  
 এখন রে তোরা কাছে মা কি মাসী পিসী মামী,  
 একটু খাদি আদর দিলেই একই রকম দামী ।  
 এখন, যখন জঠর জলে, পেলেই হোল খাওয়া কিছু ;  
 কাছে একজন শুলেই হোল রাতে ।  
 যে সে হোক না, বলেই হোল ভূতের কিন্না বাঘের গল্প ;  
 খেলার সাথী পেলেই হোল, সাথে ;  
 এখন কি তুই বুঝবি ওরে মূঢ় !  
 সে সব যত প্রাণের কথা গুঢ় ?  
 মায়ের মূল্য—সেটা,  
 বুঝবি কি রে বেটা ?

১০

—হায় যাদু সকল, ছঃখের বাড়া ছঃখ এই  
নিজের ছঃখ বুঝতেও না পারা ;

সেই ছঃখে ছঃখী তুই—ওরে মাতৃহারা !

তাইরে তোরে দেখে এমন ভূমিতলে একা অসহায়,

ওরে আমার হৃদয় ফেটে যায় ;

ওরে আমার চক্ষে বৃহৎ ধরি ;

—ওরে মাতৃহারা !

## সপ্তম চিত্র

### বিবাহযাত্রী

১

দেখলাম একটা যাচ্ছে 'বিয়ে' সমারোহে রাস্তা দিয়ে ।—  
রাস্তার ছধার চলেছে ছুই 'এসেটেলিন্ ল্যাম্পের' সারি ;  
প্রথমত ঢোল ও কাঁশী, তাহার পরে দম্ফ বাঁশী,  
তাহার পরে গোরার বাজ, তাহার পরে সানাই দারি;—  
বাঁশী, সানাই, কাঁশি, ঢোল, কচ্ছে মিলে হট্টগোল ;  
সবই আছে, নাইক কেবল মৃদঙ্গ ও হরিবোল !

২

একটি ঘুবা—সুগোর, হুস্ব, চড়ে' একখান চতুরশ্ব  
মন্দগতি 'ফেটিনার্থা' যানে, যাচ্ছেন সগোরবে ;—  
অতি সুপ্রসন্ন মূর্তি ; পরনে তাঁর রেশমি কুর্তি,  
রেশমি ধুতি, জরির টপি :—বয়স বহু পঁচিশ হবে ;—  
সুবিস্তৃত পরিসর, যেন বিক্র্য মহীধর,  
কিন্মা ইন্দ্র ঐরাবতে ;—তিনি হচ্ছেন বিয়ের বর ।

৩

পিছনে তাঁর, ইতস্ততঃ, ধূমকেতুর লেজের মত,—  
আসছে নানাবিধ শকট অল্লবিস্তার অঙ্ককারে ; •

তাতে বরযাত্রিবর্গ— ( তাঁরা মাত্র উপসর্গ )

এ কার্যে প্রকারান্তরে সমুৎসাহ দিতে তাঁরে ।

( দিয়ে দণ্ডবিধির মাপ বিয়ে যদি হ'ত পাঙ্গু

তাঁদেরও এ বিয়ের জন্ত পেতে হ'ত মনস্তাপ । )

৪

—এখন এটা বড়ই ইতর বরের অঙ্গুল, মনের ভিতর,

কিরকমটা হচ্ছিল, তা খুঁচিয়ে দেখা বারেবারে ;

সে সময়, সে স্থানে, জানি, সে ব্যাপারে, একটুখানি

তাঁহার মনে মনে গর্ক,—সে ত স্বতই হতেই পারে ;

‘ওয়েলিংটন্’ ‘ওয়াটালু’ জয় করেছিলেন যে সময়,

তখন জয়ীর মনের ভাবটা হওয়াও তাঁর আশ্চর্য নয় !

৫

স্বসজ্জিত দিব্য সাজে ; নানাবিধ বাস্তব সাজে ;

তাঁতে ‘এসেটেলিন’ আলো ; তাঁতে চতুর্ধ গাড়ি ;

যদিও সে বাহকস্বক্কে অবস্থিত ‘ল্যাম্পের’ গন্ধে

বাল্যে ভুক্ত মাতৃহৃৎ উঠে আসে জঠর ছাড়ি’ ;

যদিও সে রকম সাজ পূর্বে আমার হ'ত লাজ,—

বিংশ শতাব্দীতে একটু বেশী পৌরাণিকী ধাঁস ;

৬

যদিও সে গাড়িখানা কোথাও কর্জ করে’ আনা ;

বরষাত্রী—দূরে থাকুক দেখা বরে সম্মানে—

বরের সজ্জা, ধরৎ দেখে,                      হাস্ছে মুখে রুমাণ্ ঢেকে ;  
 তাকাচ্ছিলও পথিকবৃন্দ বরের চেয়ে গোরার পানে ;  
 বহিও সে বাণ্ড—হোক                      কেবল মাত্র গোলোযোগ ;—  
 ( বাদক এবং শ্রোতার পক্ষে দস্তুরমত কৰ্ম্ভোগ ; )

৭

তথাপি সে বরের পক্ষে,                      ( অস্তত তাঁর নিজের চক্ষে )  
 সে রাত্রিটি ভবিষ্যতে স্মরণীয় পৃথক্ করে' ;  
 দেখ্ছিলেন সে সমারোহে                      একটু হর্ষে, একটু মোহে,  
 একটু বিচলিত বক্ষে, একটু যেন নেশার ঘোরে ; ..  
 শুন্ছিলেন সে বাণ্ডরব                      মধ্যে যেন আত্মস্তব—  
 ( ভাবী বধুর মলের শব্দ শোনাও নয় ক অসম্ভব ! )

৮

দেখ্ছিলেন “এ কোথা থেকে,                      হু গণ্ডে অলঙ্ক মেখে,  
 পেশোয়াজে মর্ত্ত্যে’ নেমে এসেছে অম্বরবর্গ !”  
 ভাব্ছিলেন “সে—ভাবী বধু                      ( বাহিরে-অস্তরে মধু )  
 মর্ত্ত্যে যদি স্বর্গ থাকে—সেই স্বর্গ,—সেই স্বর্গ !  
 পূর্ণ সর্ক মনোরথ ;—                      প্রশস্ত সুদীর্ঘ পথ  
 ব্যাপিঃ’ একটা পুস্পকীর্ণ আলোকিত ভবিষ্যৎ ।”

৯

ভাব্ছিলেনও করে’ দস্ত—                      “হোল অদ্য যে আরম্ভ,  
 গীতিবন্ধারিত, দীপ্ত, প্লুত পূর্ণ মহোৎসবে ;



হোল সে আরম্ভ যদি, সে আরম্ভ নিরবধি,—  
 কালের মত ব্যাপ্তির মত কভু না সমাপ্ত হবে” ;  
 ( যদি বা সমাপ্ত হয় দর্শকবৃন্দ সমুদায়,  
 পড়ে' গেলে যবনিকা, 'আঙ্কোর' কর্বে অতিশয় ) ।

১০

ভাব্ছিলেন না তিনি—“আছে এই যে আরম্ভটির পাছে  
 অনেক বিরাগ, অনেক বিবাদ, অনেক বিশ্রী গণ্ডগোলে ;  
 অনেক বাক্যহানাহানি ; গর্জনবর্ষণ অনেকখানি ;  
 অনেক অভিব্যক্ত ইচ্ছা—‘বাঁচি আমার মরণ হোলে’ ।”  
 পরে অভিজ্ঞতানাভ— আরম্ভটি অমিতাভ ;  
 তৃতীয়ক-কাছাকাছি কিন্তু একটু অসম্ভাব ।

১১

ভাব্ছিলেন না “পরিণেষে, পঞ্চমাকে পড়্লে এসে,  
 পিছন থেকে লোহহস্ত একটি এসে ধরে কুঁটি ;  
 নিঠুর কঠিন কঠোর ভাবে, টুঁটি ধরে নিয়ে যাবে ;  
 চিরকালের জন্ম সে দিন, ভিন্ন হবে হৃদয়ছটি ;  
 এ রহস্য হবে ভেদ ; ঘুচে যাবে সকল খেদ ;  
 প্রেমের পরিপূর্ণ মাত্রায় পড়্বে পূর্ণ পরিচ্ছেদ !”

১২

—ভালবাসে শ্রোতা, পাঠক, • বটে, ‘মিলনাস্ত নাটক’ ;  
 কিন্তু আমরা অসমাপ্ত গল্প শুধু শুনাই তথা ;

পূর্ণজীবন যদি লিখি,                      দেখাই সেটির সমাপ্তি কি,  
সব নাটকই 'বিয়োগান্ত'—কহি যদি সত্য কথা ;  
সব নাটকের শেষে হয় !                      একই দৃশ্য ;—সমুদায়  
সেই সে একই চিত্তানলে ধু ধু করে' পুড়ে যায় ।

১৩

এই যে রাত্রি আঁধার শুরু ;                      উঠছে বে এই ঢাকের শব্দ  
নিশুরতার বিজনহুর্গ লুঠে নিভে বারেবারে ;  
অন্ধকারকে ছিন্ন করে',                      ব্যঙ্গ করে', ভিন্ন করে',  
জ্বলছে' যে এই আলোকশ্রেণী সমুদ্রত অহঙ্কারে ;—  
পরে শুরু হবে রব,                      আলোক নিভে যাবে সব,  
—নিজের দণ্ডব্যাপী স্পর্ধা তখন করে' অনুভব ।

১৪

—হে কাম্য বিবাহযাত্রী !                      এই যে আলোকিত রাত্রি,  
এই যে যাত্রাসমারোহ, দেখছ অদ্য সর্গোরবে ;  
ভাবছ কি হে—একদিন আবার                      ( বটে সময় হ'লে যাবার )  
একদিন আবার অন্তরকম সমারোহে যেতে হবে ?  
( তবে কি না সেটা ঠিক                      নয় ক স্বপ্নরবাড়ীর দিক—  
আলোক কিহা বাদ্যও তা'তে থাকবে নাক' সমবিক । )

১৫

সেদিন—বি নাগগুগোলে,                      ( হৃদয় হরিবোলে )  
মন্দগতি বাহক-স্বন্ধে সোজাপথে' চলে যাবে !

( এমন সমারোহে—আহা !— তুমিই দেখবেনাক তাহা ;  
 কিন্তু পথের অগ্র সকল পথিকমাত্রই দেখতে পাবে ) ;  
 দেখবে তা'রা—যাচ্ছে বেশ, নাইক কষ্টহঃক্লেশ ;  
 কিন্তু যারা নিয়ে যাচ্ছে তাদের কষ্টের পরিশেষ ) ।

১৬

আপন ব্যক্তি সময় দেখে, তোমার আপন বাড়ী থেকে  
 কর্কে সেদিন বহিষ্কৃত, নিয়ে যাবে দড়ির খাটে ;  
 তোমার আপন দেহ, 'বাসি' হবা'মাত্রই, অবিশ্বাসী ;  
 পুড়িয়ে তারে, নেহাইৎ একা রেখে আসবে ঝশানঘাটে ।  
 বেশী কিছা অল্প হোক, হুদিন তারা কর্কে শোক ;  
 পুরে আবার অগ্রজনে করে' নেবে আপন লোক ।

১৭

—হে কাম্য শকটারুট ! বলব না আজ সে নিগূঢ়  
 সেই সে নিত্য সত্য রুট ।—তোমার সুখের রাত্রি হেন !—  
 তোমার সুখে সমুৎসাহে কেবা বাধা দিতে চাহে ?  
 তোমার পূর্ণ শরচ্ছত্র রাহুগ্রস্ত কর্কে কেন ?  
 যাও বিয়ে কর্কে যাও ; —সে সব কথা ভেব না—ও—  
 অদ্য তোমার সুখের রাত্রি—যত পার হেস্বে নাও ।

# অষ্টম চিত্র

নেত্রিকী )

১

দেওয়ালে ও স্তম্ভে দোলে পুষ্পমালা—

বিচিত্রবর্ণ স্নগন্ধী রে ।

মৃদুজ্যোতি বাতি ঝাড়ে ঝাড়ে জলে,

প্রশস্ত সে নাট্যমন্দিরে ।

কার্পেটে ছাদিত মেঝেয়, গড়ায় কত

মখমলে মোড়া তাকিয়া ;

গড়ায় স্নভূষিত, যত অভ্যাগত

‘তহুপরি বাহু রাখিয়া ।

কেহ করে গল্প, কেহ উচ্চহাস্ত,

ভৃত্যে ডাকে কেউ “এই বেয়ারা—

“ছিলম লে আও” “হুইক্ক লে আও” “সোডা লে আও”

নানাবিধ বদ-চেহারা ।

২

এ সভায় কে গো ভূষিতা সুন্দরী

নাচোঁ নানাবিধ ভঙ্গিতে ?

মূর্ছনায় মূর্ছনায় মত্ত করে' দাও  
 সূতাল সুলয় স্বরসঙ্গীতে ?  
 বাজে 'বায়ী ডাইনে'য় মুছ তাল কাওলি  
 সারঙ্গে ভূপালী রাগিণী ?  
 একাকিনী নারী, পুরুষ-সভাস্থলে,  
 —কে গো তুমি হতভাগিনী ?

৩

একাকিনী নারী পুরুষ-সভাস্থলে,  
 তথাপি নহ ত লজ্জিতা !  
 চরণে কিঙ্কিনী, অঙ্গে অলঙ্কার,  
 গোলাপী বসনে সজ্জিতা ;  
 মাথায় ঝাঁপটা সিঁথী, কটিতে বেড়ি'  
 চন্দ্রহারের স্বর্ণপ্রভা রে !  
 পৃষ্ঠে বিলম্বিত বেণী ( কবিমতে )  
 সর্পসম দংশে সবারে ;  
 রক্তিম গণ্ড, কিন্তু লজ্জাভরে নহে  
 রক্তিম 'অলঙ্কক তরলে' ;  
 আঁধুলে রঞ্জিত বক্টিম ওষ্ঠ দুটি  
 সরস স্বর্গাসুধাগরলে !

৪

এত যে যুবতী, এত যে সুন্দরী,  
 এত যে করেছে সজ্জা গো ;

## আলেখ্য

সবই বৃথা—নাইক নারীর প্রধান ভূধা  
 সে নারীমূলতা লজ্জা গো ;  
 লজ্জাহীনা তুমি—সরে' আসো যত  
 রূপে, চাহনিতে, হাসিতে ;  
 আমি সরে যাই ও সতয়ে পিছাই—  
 পারি না ত ভালবাসিতে ।  
 খেলছে তড়িচ্ছটা বটে তোমার যুগ  
 লোল নেত্রে আহা মরি রে !  
 উঠছে রূপের উৎস প্রতি পদক্ষেপে  
 বিকচ উদ্ধত শরীরে ;  
 রঞ্জিত তর্জনী চিবুকে ছোঁয়ায়ে,  
 ওষ্ঠপ্রান্তে হাস্ত খেলায়ে ;  
 বিলোলকটাক্ষ বর্ষণ কর তুমি  
 বামে ঐ বাঁ ঈষৎ হেলায়ে ।  
 কিন্তু সবই মিথ্যা—মিথ্যা ও চাতুরী  
 নহে তাহাও কিছু সুবিনয় ;  
 বিনয় ? আমি কহি উদ্ধত আঙ্গুল  
 প্রেমের এ নির্লজ্জ অভিনয় ।  
 ভাবছো তুমি, তোমার প্রেমের অভিনয়  
 আমরা 'মরে' যাচ্ছি সকলে ?  
 আমি অনুবিদ্ধ হচ্ছি রূপায়, 'হেরি'  
 প্রেমের ঐ জঘন্য নকলে ।

নারিণি! জানো কারে ভালবাসা বলে ?  
 নহে সে মোটেই ও বর্গীয় ;  
 নহে সে হান্স কি ভঙ্গী কি কটাক্ষ ;  
 অস্তরের সে বস্তু—স্বর্গীয় ।

৫

তবে তুমি বটে সুন্দরী যুবতী ;  
 সেজেছোও একরকম মন্দ নয় ;  
 দেখছি বসে' আমি, এবং জেনো নারী  
 আমি একেবারে অন্ধ নয় ;  
 গাচ্ছো বটে খাসা ভূপালী রাগিনী,  
 নাচছো বটে খাসা কাণ্ডলি ;  
 শুন্ছি বটে আমি—কিন্তু আমার  
 তুমি মাত্র—নাচ-আণ্ডলি ।  
 গুণপনা আছে, মাথায় করে' নিব—  
 কিম্বৎ পাবে, নাইক ভাবনা ;  
 তবে তুমি আমায় পাবে না হৃদয়ে  
 • তোমার হৃদয় আমি পাব না ।  
 দেখতে ভাল যাহা, দেখতে ভালবাসি;  
 শুন্তে ভাল যাহা, শ্রাব্য সে ;  
 কিন্তু জেনো-মিষ্ট ছন্দোবন্দ হলেই  
 হয় না কোন কালেই কাব্য সে ।

কাছাকাছি বটে বসে' আছি তোমা,   
 কিন্তু দূরে অতি—অন্তরে ;   
 আমার কাছে গ্রীক কি হিব্রুভাষায় লেখা •   
 তোমার ও হৃদয়গ্রন্থ রে ।   
 ভালোবাসা চাহে ভালোবাসা—আর   
 কামী চাহে শুধু কামিনী । .   
 কামের গোলাম হব, এখনো—হে নারি !   
 এত নীচে আজো নামি নি ।



হা রে নারি ! তোমার সজ্জা কাস্তি দেখে' •   
 ভাব্ছে সবাই তুমি ধন্য গো ;   
 কিন্তু আমার চক্ষে আসে বিষাদ ছেয়ে,   
 অভাগিনী তোমার জন্ম গো ।   
 ও কটাক্ষতলে দেখছি তোমার—দূরে •   
 শূন্যে বদ্ধ করণ দৃষ্টি এক ;   
 তাহার অর্থ এই কি—“বিপুল বিশ্বমাঝে   
 আমিই কি জঘন্য সৃষ্টি এক ।”   
 যাহোক কিন্তু তবু আপন বন্ডে পারে—   
 সবাই এ বিশ্বমাঝারে ;   
 কিন্তু তুমি, তোমার যাহা কিছু ছিল,   
 বিকায়ে দিয়েছো বাজারে ।



নাইক তোমার স্বপ্ন নিজের হৃৎথে সুখে,  
 নিজের ক্রন্দনে কি হাসিতে ;  
 নাইক তোমার স্বপ্ন ( সুখের সেরা সুখ যে )  
 হৃদয় ভরে' ভালোবাসিতে ।  
 হৃদয় তোমার,—তারেও দিতেছ তোমার এ  
 জঘন্ত ব্যবসা শিখায়ে ; -  
 দেহখানি তোমার,—তাহাও দিয়ে দেছ  
 রৌপ্যমুষ্টির জন্ত বিকায়ে ।

৭

তুমি যাচ্ছে যেন রাস্তায় দিয়ে হেঁটে,  
 দেখছে ছুটিধারে চাহি' রে—  
 সবাই আছে ঘরে আপন আপন নিয়ে,  
 তুমিই শুদ্ধ একা কাহিরে ।  
 ঘোঁরা রজনীতে দেখছে ছুটিধারে,  
 জলছে ঘরে ঘরে বাতি গো ;  
 তোমারই সম্মুখে শুধু দীর্ঘপথ,  
 অনন্ত তামসী রাত্তি গো ;  
 কতু ভাবি মনে এই যে নৃত্যগীতি,  
 এ তোমার নৃত্যগীতোৎস না ;  
 নিয়তির কচ্ছ ব্যঙ্গ প্রতি 'সমে',  
 —প্রতি নৃত্যছন্দে ভৎসনা ।

এত কাছে, তবু এত ছাড়াছাড়ি,  
 তুমি আমি, এই এ কক্ষে গো ;  
 তবু চিনিলাক তোমারে রমণী,  
 ভ্রাস্ছে ছবিসম চক্ষে গো ।  
 বাজে মৃদু বাঁরা ডাইনের তাল কাওলি,  
 সারঙ্গে ভূপালী রাগিণী ;  
 সঙ্গে নৃত্যগীতে, কটাক্ষে, হাসিতে,  
 কে গো তুমি হতভাগিনী ।

## নবম চিত্র

### হতভাগ্য

১

একখানি তার তরী ছিল বিজন শূন্য ঘাটে বাঁধা ;—  
একদিন হঠাৎ ডুবে' গেল ঝড়ে ;  
একখানি তার কুঁড়ে ছিল নদীর ধারে ;—পুড়ে গেল  
একদিন হঠাৎ আগুন লেগে খড়ে ।  
একটি ছেলে একটি মেয়ে,—একটি ডাইনে একটি বায়ে,  
হাতে ধরে' ঘুরে' বেড়ায় পাড়ায় ;  
সারা বছর ঘুরে' বেড়ায় ;—জানে না সে হতভাগা  
তাদের নিয়ে কোথায় গিয়ে দাঁড়ায় !  
বহে শীতের প্রখর বাতাস উড়িয়ে তাদের ছেঁড়া কাপড় ;—  
তারি মাঝে পথের ধারে খাড়া !  
গ্রীষ্মের প্রখর রৌদ্রতাপে আগুন ছোটে ;—জানে না সে  
কোথায় দাঁড়ায় গাছের তলার ছাড়া ।  
বর্ষা আসে ঘন ঘটায়, বজ্র ঘন কড়কড়ে,  
নেমে' আসে বারিধারা বেগে ;—  
একবার তাকায় হতভাগা ছেলেমেয়ে দুটির পানে,  
একবার তাকায় ধূসর ঘনমেঘে !

নৌকাখানি মাত্র ছিল বৎসামাত্র, যাহা কিছু,—  
 পর্তে খেতে ছবেলা হুমুঠো ;  
 কুঁড়েখানি মাত্র ছিল—মাথা গুঁজতে, বসতে শুতে,  
 নিয়ে ছোট্ট ছেলে মেয়ে ছটো ।  
 সাধের নৌকা খানির উপর যাত্রী নিয়ে, শস্ত নিয়ে,  
 বেয়ে' বেয়ে', ফিরত দেশে দেশে ;—  
 যা'কিছু তার ভাড়ার কড়ি পে'ত, নিয়ে গুঁজত মাথা  
 ফিরে' ঘুরে' কুঁড়েটিতে এসে ।  
 ছেলেটিকে কোলে নিত, মেয়েটিকে কোলে নিত,  
 ধরত বুকে বাছ দিয়ে ঘিরে ;—  
 অমনি তাহার চোখের সামনে মুছে' যেত বিশ্ব-জগৎ,—  
 চক্ষু ছ'টি ধুঁজে আসত ধীরে' ;  
 মনে হ'ত কুঁড়েখানি ; রাজার বাড়ী কোথায় লাগে !  
 কাঠের পালঙ্ক—মনে হ'ত রূপোর !  
 ধীরে ধীরে পাড়িয়ে ঘুম, ঘুমিয়ে পড়ত, জাপটে ধরে'  
 ছেলে মেয়ের নিজের বুকের উপর ।  
 —হারে ভাগ্য ! বৎসামাত্র সম্বল যে সেই হতভাগার,  
 নৌকা—তাও সে ডুবে গেল ঝড়ে,  
 একখানি তার বৎসামাত্র কুঁড়ে মাত্র ছিল ;—তাও সে  
 পুড়ে গেল আগুন লেগে ঝড়ে ।

৩

ছেলে মেয়ের ছিল নামা ; চলে' গেছে আর্টট বছর,  
 দেশান্তরে—কাল-শ্রোতের টানে ;  
 যে দেশেতে মানুষ গেলে আর সে ফিরে' আসে না ক,  
 যে দেশ কোথায়—কেহই নাহি জানে ।  
 ভালোবাস্ত ছেলেমেয়ে—বেমন সবু মী ভালবাসে—  
 প্রবল, গভীর, বিরাট, মন স্নেহে ;  
 এখন তাদের রেখে গেছে তাদের বৃদ্ধ বাপের কাছে,  
 এখন তাদের দেখেও না ক চে'য়ে !  
 তবে কি না, যাবার সময় রেখে গেছে স্নেহটুকু  
 ছেলে মেয়ের বাপের কাছে জমা ;  
 হাতে সঁপে' দিয়ে গেছে সর্বস্বধন পুত্রটির,  
 দিয়ে গেছে কণ্ঠা প্রিয়তমা ।  
 এখন তাদের বাপই আছে,—সে-ই বাবা, সে-ই মা,—সে-ই তাদের  
 বাপের চিন্তায়, মায়ের যত্নে রাখে ;—  
 দিনের বেলায় মজুর খেটে' রোজগার করে' অস্বস্তি কড়ি ;  
 রাতের বেলায় জড়িয়ে শুয়ে' থাকে ।  
 ইটটি ভাঙে ছপুর রৌদ্রে—বৃদ্ধ হস্তে শক্তি নাইক !—  
 বছৎ কষ্টে করতে হয় তা' গুড়ো ;  
 পাশে একটি বাড়ীর ছায়ায় খেলা করে শিশু দুটি,—  
 মাঝে মাঝে চে'য়ে দেখে বুড়ো ।  
 পয়সা ছয়েক মুড়ি কিনে', ছপুরবেলায়—নদীর ধারে

নিজেই খাওয়ায় ছেলেমেয়ে ছ'য়ে ;  
সন্ধ্যা হ'লে তাদের কিছু উচ্ছ্বিত যা' খে'য়ে, থাকে  
তাদের নিয়ে গাছের তলায় শুয়ে' ।

৪

আহা মরি ! শিশু ছটো, কেমন করে' সহিস্ তোরা  
—'নীর দেহে.—আহা মরি, মরি !—  
( গৃহশূন্য, মাতৃহারা ! ) দৈত্তের এমন দারুণ জালা ?—  
আমরা যাহার ভারে 'হুয়ে' পড়ি !  
চাস্না কিছু প্রাসাদ-ভবন, দুর্ধ্ব-ফেননিভ শয্যা,  
চাস্না কিছু পায়সার খেতে !—  
পাস্ সে ভালোই ; না পাস্ ভালো ; দুটি মুঠো পোলেই হ'ল  
যেমন তেমন পাতের ওপর পেতে' ।  
ধূলা নিয়াই খেলা-ধূলা ; পরিত্যক্ত টিনের খণ্ড,  
তাকেই সুখে ডকা করে' বাজাস্ ;  
একটি পয়সার রঙিন পুতুল পে'লে—সে তো সুখের চরম !—  
যত্নে রাখিস্, যত্নে তা'রে সাজাস্ !  
কুঁড়েয় থাকিস্ গ্রাহ নাইক, মাছরে শুন্ গ্রাহ নাইক,  
গ্রাহ নাইক থাকিস্ ছেঁড়া সাজে ;—  
তোদের ছঃখ, তোদের দৈন্ত, তোদের অবমাননা—সে  
হতভাগ্য মোদের বুকেই' বাজে !—  
তবু এমন যৎসামান্ত প্রয়োজন যা', খাবার কিছু,  
মাথা রাখার জায়গা একটা, পাড়ায় ;

—তাও যে দিতে পারে না ক—হা বিধি, তৈর করেছিলে  
তোমার বিশ্বে এমন লক্ষ্মী ছাড়ায় !

৫

সুখে আছ, সুখে থাকো ও গো পাড়া-প্রতিবাসী,  
এদের পানে দেখো একবার চে'য়ে ;—  
এরাও মানুষ তোমরাও মানুষ ; রক্তমাংসের শরীর বটে ;—  
তোমাদেরো আছে ছেলেমেয়ে ।  
তোমাদের ঐ সুখের ভাগী হ'তে চায় না হতভাগা ;  
সুখের দিন তার ফুরিয়ে গেছে ভবে !  
( ~~কাল~~ এমন সাধের কুঁড়ে—সোণার কুঁড়ে পুড়ে গেল !  
আবার কি তার তেমন কুঁড়ে হ'বে ! )  
সুখের দাবি করে না সে,—শিশু ছটির মাথার উপর  
একটুখানি ছাউনি করে দাওয়া ;  
চাহে—শুধু অন্ন ছটি শিশু ছটির মুখে দিতে,  
নিজের হোক বা নাইবা হ'ল খাওয়া ।  
ও গো পাড়া-প্রতিবাসী, নিজের ঘরের ভিতর কেহ  
আদর করে' তাদের নাও গো ডেকে' ;  
আদর করে' তাদের মুখে অন্ন ছটি তুলে দাওগো,  
তফাৎ করে' নিজের অন্ন থেকে ।  
ঘরের একটু ছেড়ে দিতে যায়গার একটু কষ্ট হ'বে,  
খাবার একটু কমবে নিজের ভাগে ;

কিন্তু, মনের খুঁটি তোমার বাড়বে বই সে কন্বে নাক,—

স্বর্গ পা'বে মর্কীর অনেক আগে ।

ওগো ধনী, সুখী তুমি ; তাড়িয়ে দিও নিজের জন্ত

আমি যখন তোমার কাছে যা'ব ।

পায়ের ধরে' সাধি—শুদ্ধ খেয়ে' শু'য়ে কোমল শয্যায়

কখনো বা এদের কথা ভাবো ।



## দশম চিত্র

( বিধবা )

১

গভীর ছ'পর পৌর্ণমাসী নিশি ;  
নিস্কর, নিঃস্পন্দ, দশ দিশি ।—

স্কর ভুবন, স্কর গগন ;

ধরনীটি নিদ্রামগন ;

টাঁদের কিরণ পড়েছে তার মুখে,

শস্যক্ষেত্রে, বনস্থলে,

কালো দীঘির কালো জলে,

' বিজন পথে, বিজন মাঠের বুকে

গাভীরা সব ঘুমায় পীড়ে ;

পাখীরা সব ঘুমায় নীড়ে ;

' মানুষরা সব ঘুমায় নিজের ঘরে

আকাশের মেঘ ঘুমিয়ে আছে ;

পুষ্পগুলি ঘুমায় গাছে ;

ঘুমায় সবাই বিশ্ব-চরাচরে ।

## আলেখ্য

কেবল ধীরে, অতি ধীরে  
চেউয়ের মত, বিশ্বতীরে ।

মাঝে মাঝে বাতাস লাগছে আসি' ;  
কেবল দূরে, অতি দূরে,  
ফুঁপিয়ে ফুঁপিয়ে, মেঠো সুরে,  
উঠছে কোন্ এক হতভাগ্যের বাঁশী ।

২

এমন সময়, শূণ্য ঘরে,  
কে গো তুমি ভূমি 'পরে',  
বসে' মুক্ত বাতায়নের মূলে ?  
একাকিনী আছো চেয়ে,  
কে তুমি সুন্দরী মেয়ে,  
অস্তবসন, অস্ত এলোচূলে ?  
ছড়িয়ে দু'টি রাজা পায়ে,  
হেলান দিয়ে কবাট-গায়ে,  
মরালগ্রীক বাকিয়ে বাইরে দিকে  
একটি হস্ত ঞ্চস্ত ক্রোড়ে,  
একটি গরাদেটি ধোঁরে,  
চেয়ে আছো কে গো অনিমিখে ?  
দেখছো কি মা ?—পর্ষে, গাছে,

এমন কি মা ! দেখবার আছে,

এতক্ষণ যা দেখতে লাগে ভালো ?

কুঞ্জ-বনের শ্যামল কায়া ?

মাঠের হরিৎ ? গাছের ছায়া ?

দীঘির জলে, চাঁদের সাদা আলো ?

—আকাশ সুনীল, ধরা শ্যামা,

কিছুই তুমি দেখছ না মা ;

দেখছো, বসে' বাতায়নের ধারে,—

‘জীবন-গ্রন্থখানি খুলি’,

অতীত কালের পৃষ্ঠাগুলি,

উল্টে পাণ্টে তাহাই বারে বারে ।

দেখছো মানস-চক্ষু দিয়ে,

ভূতকালে ফিরে গিয়ে,

“এখন থেকে ষোড়শ বর্ষ পাছে,

স্মৃতিবলে কচ্ছ চারণ ; )

কচ্ছ অতীত জীবনধারণ ;—

চন্দ্র-চক্ষু চেয়ে মাত্র আছে ।

৩

কত কথা মনে আসে ;

কত মুগ্ধ ইতিহাসে,

—গাঁড়ভাবে ছেয়ে আছে স্মৃতি ;

কত ক্ষুদ্র সুখ ব্যথা,

বাল্যকালের কত কথা,

কত হাস্য, কত গল্প, গীতি ।

মনে পড়ে,—সকাল বেলা,

বাড়ীর ছায়ায়, ঘুঁটি খেলা ;

ফলসা পাড়তে গাছের উপর ওঠা ।

মনে পড়ে,—চাঁপায় ঘিরে

ভোমরাগুলো ঘোরে ফিরে ;

মনে পড়ে অশোক কুসুম ফোটা ।

মনে পড়ে,—বেলা ছ'পর,

ছায়ায়, শ্রামল ঘাসের উপর,

রৈতে বসে—দেখতে চেয়ে চেয়ে—

পুরুষগুলো নাইছে ঘাটে,

গাভীগুলো চুচ্ছে মাঠে,

পদ্মগুলো কালো দীঘি ছেয়ে ।

মনে পড়ে,—সন্ধ্যাকালে,

ফেরে গাভী পালে পালে ;

অস্তগামী রবির শোভা কত ;—

কিরণ, আকাশ ছাপিয়ে এসে,

পৃথিবীতে পড়েছে সে,

সাজিয়ে তারে বিয়ের কনের মত ।

রাত্রিকালে—ঘরের কোণা,—

দ্বিদিমায়ে গল্প শোনা ;  
 রামের বিয়ে, কীর্তি ভুলো ক্যাপার,  
 জটাই বুড়ী, হীরের মাটি,  
 মরণ-কাটা, জীবন-কাটা,  
 ভূতের যত অনাসৃষ্টি ব্যাপার ।  
 —কৃত সুদিন, এমনি এসে,  
 ভেসে চলে গিয়েছে সে,  
 সকাল, ছ'পর, সন্ধ্যা, রাত্রিবেলা ;  
 ভাবনা চিন্তা নাহি জানে ;  
 ক্ষুধা তৃষ্ণা নাহি মানে ;  
 কেবল হাস্য, গীতি, গল্প, খেলা ।  
 পরে একদিন—মনে পড়ে,—  
 শুভ কোলাহল-স্বরে,  
 শুভবাণে, শুভশঙ্খরবে,  
 দীপোজ্জ্বলগৃহাগনে,  
 শুভলগ্নে শুভক্ষণে,  
 সুসজ্জিত শুভ মুহোৎসবে,—  
 আপন জনে করে 'পর',  
 গেলে কুমি পরের ঘর,—  
 করতে গেলে পরের জনে আশন ;  
 বুঝলে পতি করে বলে,  
 বাসলে ভালো ধরাতুলে,

কলে দু'টি মধুর বর্ষ যাপন

\* \* \* \*

৪

কি মধুর সে বর্ষ দু'টি !—

যেন একটা লাগাও ছুটি ;

যেন একটা অবিশ্রান্ত গীতি ;

যেন একটা মলয় হাওয়া ;

যেন শুদ্ধ ভেসে যাওয়া ;

যেন একটা স্বপ্নরাজ্য স্থিতি ।

এ জীবনে সে সুখ পরম

সর্ববিধ সুখের চরম !

সে সুখে নাই কলঙ্ক কি ক্রটি ;

স্বর্গ মর্ত্যে আসে নেমে' ;

মর্ত্য স্বর্গে উঠে প্রেমে ;

প্রেমের সেই সে প্রথম বর্ষ দু'টি !

আজি, শুদ্ধ দ্বিপ্রহরে,

'সে সব কথা মনে পড়ে,—

মনে পড়ে প্রাণের কথা নানা ;

'প্রথম দিনে, শুভমুহুর্তে,

অজানিত-পূর্ব জনে

এ সংসারে আপন বলে' জানা ।

মনে পড়ে,—শুভরঘরে,

ত ফুর্জু ছলভরে  
 নিত্য পতির কাছে দিয়ে যাওয়া ;  
 তাহার মুখটি অতুল সৃষ্টি ;  
 তাহার স্বরটি সুধাবৃষ্টি ;  
 লুকিয়ে শোনা, লুকিয়ে তারে চাওয়া ।  
 মনে পড়ে,—পতির, বধুর,  
 নিভূতে সে মিলন মধুর ;—  
 সে চাহনি, সেই যুক্তপাণি ;  
 অস্তুতঃ একদিনের জন্ত  
 বুঝতে পারা ভাষার দৈন্ত ;  
 অসংলগ্ন সে অক্ষুট বাণী ;  
 অর্থশূন্য নানা উক্তি ;  
 ভালুবাসা নিয়ে যুক্তি,—  
 “তুমি ভালবাস না, তা জানি !”  
 “বাসি”, “বাসি”, “বাসি”,—তারে  
 বলতে হ’বে বারে বারে ;  
 অবিদ্বাশ্য তথাপি সে বাণী ।  
 অভিমানে ফিরে চাওয়া ;  
 হস্ত দুয়েক দূরে যাওয়া ;  
 দাঁড়ানো ; ও ফিরে গিয়ে স্মৃধা ;  
 চেষ্টা করে’ বিবাদ-সৃষ্টি ;  
 চেষ্টা করে’ বিরাগ-দৃষ্টি ;

## আলেখ্য

‘প্রাণপণে চেষ্টা কর্তে’ কঁাদা  
 ছ’টি বর্ষ গেল কি এ ?  
 চলে’ গেল কোথা দিয়ে ?  
 বিধির বিধি এমনি পরিপাটী !  
 সুখের বছর হয় সে গত  
 একটা ছোট দিনের মত,  
 সুখের বছর যুগের মত কাটে ।

৫

একদিন, এখন মনে আসে,  
 প্রথম একদিন, চৈত্রমাসে,  
 পূর্ণচন্দ্রজ্যোৎস্নালোকে, একা,  
 বসেছিলে বাড়ীর ছাদে,  
 ছিলে চেয়ে’ পূর্ণ চাঁদে ;  
 • ঝাউয়ের প্রান্তে যাচ্ছিল সে’দেখা ;—  
 বইতেছিল বাতাস মধুর ;  
 • গাইতেছিল দোয়েল অদূর  
 • বকুলগাছে ; এমনি সুনীল গগন ;  
 সেও সে এমনি রাত্রি ছ’পর,  
 • একা তুমি ছাদের উপর  
 ছিলে বসে’, স্বামীর চিন্তায় মগন ;  
 কি যে গাঢ় চিন্তা, ভয় সে ?  
 কি সন্দেহ, অনিশ্চয়, সে ?



হৃদিভুলে কি সে অন্তর্দাহ ?  
নাইক নিদ্রা নেত্রপুটে ;  
হৃদয় কেঁপে কেঁপে উঠে ;—

কেন ?—পত্র পাওনি হ' সপ্তাহ ।  
সে শঙ্কা,—উভয়ের ভবে  
হয় তু আর না দেখা হ'বে ;

—অম্বনি বিশ্ব লুপ্ত অন্ধকারে ।  
তবে তারো মধ্যে লেখা  
ছিল একটি আশার রেখা—  
‘হয় তু আবার দেখা হতেও পারে ।’

কিন্তু আজি শুভাশুভ  
জীবনের যা', জান ক্রব ;—

দেখছো তুমি স্পষ্টাক্ষরে লেখা ;  
নিবিড় ভাবে, কালো ছায়ে,  
বিশ্ব-খাতার জীবন-পত্রে,—

“তার সঙ্গে আর হ'বে নাক দেখা  
—যত আছে নিগূঢ় তথ্য,  
এর চেয়ে নয় কিছু সত্য,

যেটা আজি দেখছো বসে' তুমি ;  
যতখানি হেঁটে যাচ্ছ,  
যতখানি দেখতে পাচ্ছ,—  
ধু ধু কর্ছে জীবন মরুভূমি ।

মহাশূন্য, দগ্ধ সে যে,  
 জ্বলছে অন্ধ-কারী তেজে,  
 অগ্নি নিয়ে খেলা করছে বায়ু;  
 নাইক বারি নাইক তরু,  
 কেবল বালু, কেবল মরু ;  
 —শুষ্ক তপ্ত দীর্ঘ পরমাণু ।

৬

রাত্রি গভীর হ'তে গভীর !  
 পট-প্রান্তে বিশ্ব-ছবির •  
 জ্যোৎস্নালেখা মুছে গেল ধীরে ;  
 অলস হয়ে' এলে আঁখি ;  
 গরাদেতেই মাথা রাখি'  
 ঘুমিয়ে পড়লো আমার জননী রে ।

৭

হায় রে মানুষ ! বিধির কৃত্য  
 চোখের সামনে দেখছি নিত্য ;  
 তবু আমরা চক্ষু বৃদ্ধে' থাকি !  
 খোসামোদের মন্দির খুলে,  
 মিথ্যার কৃষ্ণ নিশান তুলে,  
 উচ্চৈঃস্বরে, "দয়াল !" বলে' ডাকি !

## একাদশ চিত্র

( সিরাজদৌলা )

১

- গভীর তামসী রাত্রি; বিশ্বজগৎ ঘুমিয়ে গেছে ;  
আকাশ জুড়ে চতুর্দিকে ঘিরে আছে মেঘে;  
মুঘলধারে বৃষ্টি পড়ে ; শূন্য প্রান্তরেতে কেবল,  
চলছে 'বহে' যাচ্ছে সজল বাতাস বেগে ;  
নাইক আলোক, নাইক শব্দ ;—কেবল আকাশ নাগ 'করে'  
মুহুমুহু পূর্বভাগে খেলে বিদ্যুচ্ছটা ;
- কেবল দূরে অতি দূরে—'গুরু গুরু' গুরু শব্দে  
মুহুমুহু বজ্র হানে ক্রমঃ ঘন ঘটা ;  
জর্লে স্থলে শূন্যে শুধু—বৃষ্টিধারা—বৃষ্টিধারা  
অন্ধকারে লুপ্ত বিশ্ব—হয়ে গেছে হারা ;  
আকাশ থেকে পড়ছে তোড়ে, ভূমি থেকে লাফিয়ে উড়ে,  
অবিশ্রান্ত অসীম বেগে প্রবল বারিধারা ।

২

- সুদূর জলায় একটি কুটীর ; চারিদিকে বদ্ধ ইয়ার,  
অন্ধকারে একা আছে শুক ভাবে খাড়া ;  
যেন ভয়ে হতবুদ্ধি ; সেদিকেতে নাইক প্রাণী,  
নাইক কোন অগ্ন কুটীর, নাইক কোন পাড়া ;

কুঁড়ের ভিতর একটি যুবা শুয়ে আছে, মাটির উপর ;  
মর্মান্তিক যন্ত্রণাতে এপাশ ওপাশ ফিরে ;

শিয়রেতে বসে' আছে নত নেত্রে একটি নারী,  
কোমল ছুটি বাহু দিয়ে যুবাব শরীর ঘিরে ।

কে সে যুবা ? কে সে নারী ? কেন, এ ঘোর রাত্রি-কালে,  
জনশূন্য জলার উপর কুঁড়ের ভিতর তা'রা ?

—চারিদিকে 'বহে' যাচ্ছে বর্ষার প্রবল সজল বাতাস,  
চারিদিকে অবিশ্রান্ত পড়ে জলধারা :

৩

এই যে যুবা, স্বল্পশ্রম, সুগৌরব—এই যে যুবা ।

অন্য কোন ব্যক্তি নহে—এ যুবা সেই সিরাজ ;—

যাহার নামে বিকল্পিত নীতি ধর্মন্যায্যনিষ্ঠা,  
বঙ্গ বিহার উড়িষ্যার এই মহারাজাধিরাজ ;

না না,—ভুলছি ;—এই যে যুবা—কল্যা ছিন্ন রাজাধিরাজ,  
কল্পিত প্রতাপে যাহার হোত বঙ্গভূমি ;

অন্ত কেহ নহে ;—শুদ্ধ সামান্য মনুষ্য মাত্র,  
যেমন গরিব যেমন তুচ্ছ আমি কিম্বা তুমি ।

'কল্যা বহে' গেছে বঙ্গা এ শাল্মলীর উপর দিয়া,  
—উন্নত সে শাল্মলী ভূমিতলে চুমি' ;

কল্যা যাহা শত হর্ম্য-বিমণ্ডিত নগর ছিল,  
বিরাট ভূমিকম্পে আজি তাহা মরুভূমি ;

কল্যা বাহা ছিল উচ্চে উঠায় উদ্ধত শিরে,  
 চক্রেৰ অীবর্তনে নিয়ে আজি তাহা নত ;  
 এতক্ষণ বে সূর্য্য ছিল খরগর্কে মাথার উপর,  
 দিবার পরে সেই সে সূর্য্য এখন অন্তগত ।  
 পরাজিত, পরিত্যক্ত, পলায়িত, লুকায়িত,  
 অগ্ন এ দীন কুঁড়ের ভিতর, বঙ্গ অধিপতি ;  
 পার্শ্বে বসি' অধোমুখে প্রিয়তমী প্রধান বেগম,  
 হৃদয়ে সঙ্গিনী একা প্রিয়তমা সতী ।

৪

—হারে হতভাগ্য !—তুমি স্বপ্নেও কভু ভেবেছিলে  
 এমন অধম কুঁড়ের মাথা রাখতে হবে কভু ?  
 তাই বা কৈ সে রাখতে দিচ্ছে ; তোমার মাথা নেবার জন্ত  
 পাঠিয়েছেন পরোয়ানা বঙ্গের নবপ্রভু ।  
 নৈলে যে তাঁর আহার নিদ্রার বিশেষ রকম ব্যাঘাত হচ্ছে !  
 তোমার মুণ্ড চাই ই, সেটা নিয়ে আসতেই হবে ;  
 জাফর তোমার মাথামুণ্ডনা পেয়ে যে ভেবে আকুল !  
 তোমার মাথার এত মল্য ভেবেছিলে কবে ?

হারে হতভাগ্য !—কেন ? তাই বা কেন ? কিসের জন্ত ?  
 রাজত্ব যা করে' গেছ' ভূভারতে সেরা !  
 একটি দিকে হিন্দুগণে দলেছ ত শ্রীচরণে,  
 সেলাম ঠুকে নিলে স্ময়ন এল ইংরাজেরা ।

## আলেখ্য

বন্দী করেছিলে যদি ছ'চারিটি ইংরাজেরে,  
সন্ধি করে' প্রায়শ্চিত্ত করেছে, ত সিরাজ';

মুষ্টিমেয় খেতমুক্তি দেখে' ভয়ে কম্পান্বিত  
উড়িয়া বিহার ও বঙ্গের মহারাজাধিরাজ !!!

কৃতঘ্নতা ? মীরজাফরের কৃতঘ্নতা ? চিননি কি  
নেওনি কি মীরজাফরে পূর্বাধি জেনে ?

কর নাইক কেন তারে পদাঘাতে দূরীভূত ?  
কেন বা নেওনিক রশ্মি নিজের হাতে টেনে ?

পঞ্চাশ হাজার সৈন্ত নিয়ে, কামান নিয়ে,—হারে লজ্জা !—  
তিনটি হাজার শত্ৰু দেখে ভয়ে তুমি সারা !

মীরজাফরের পায়ে মাথা রাখতে হোলনাক ঘৃণা ?  
তোমার সৈন্ত, সেনাপতি—তোমার উপর তা'রা !

৬

—না না'; বুঝেছিলে তুমি—তুমি মাত্র নামে নবাব,  
আসল নবাব তোমার সেনা, তুমি প্রতিনিধি ;

বুঝেছিলে—বিধির বিধান তুচ্ছ করে' নবাব তুমি,  
ইংরাজ তামিল কর্লে, শুদ্ধ বিধির দণ্ডবিধি ।

নিম্নচূড় উর্দ্ধভিত্তি মন্দির কদিন টিকে থাকে ?  
বিনা পাশ্র উচ্ছে বারি মুহূর্ত্তও না' রহে ;

তোমার পতন—জেনো সিরাজ—তোমার পতন, স্বর্গতলে,  
ঘটিয়েছেন স্বয়ং বিধি ;—ইংরাজেরা নহে ।

## একাদশ চিত্র

৬৩

যদি রাজ্যের হোত ভিত্তি প্রজাদিগের দৃঢ় প্রীতি,  
হ'তে হোত নাকি তোমার জাফর ভয়ে ভীত ;

ইংরাজ ও ফরাসি শক্তি পদাঘাতে ঠেলে ফেলে,  
তোমার শাসন আজও বন্ধে রৈত প্রতিষ্ঠিত ।

ইংরাজে করেনি সিরাজ তোমায় কভু পরাজিত,  
মীর্জাফরও করেনিক তোমায় আজি দমন ।

দিবারাতি প্রজাদিগের এত বেশী খেয়েছো, যে  
জীর্ণ হয় নি, সে সব আজি কর্তে হোল বমন ।

মাথা পেতে লহ হুঃখ;—বড় তুচ্ছ করেছিলে  
রাজনৈতিক মহা নিয়ম,—সেজন্ত এ পতন ;

তোমার পূর্বে তোমার চেয়ে অধিক শক্তিশালী যা'রা,  
আরো উঠে, পুড়ে' গেল তা'রাও তোমার মতন ।

প্রজার অর্থ প্রজার শক্তি রাজকোষে রাজসৈন্তে,  
টেনে এনে কর তারে কেন্দ্রীভূত যবে ;

প্রজা যদি উঠে তা'রে ধ'রে রাখে, রহিবে সে,  
প্রজা যদি টানে নিলে—পতন হতেই হবে ।

প্রজার অর্থ টেনে' এনে' প্রজার জন্তই দিতে হ'বে,  
“সহস্রগুণ দেবার জন্ত বাস্প টানে রবি” ;

প্রজার হিতেই রাজার হিত—তা' বুঝেছিলেন আর্য্য ঋষি,  
বুঝেছিলেন বিশ্বের যিনি'সর্বশ্রেষ্ঠ কবি ।

## আলেখ্য

৮

সহেনাক, কিছুই বেশী সহেনাক রাজাধিরাজ !  
 অতি দস্তী অত্যাচারীর পে'তে হ'বে সাজা ;  
 একদিন নেমে' যেতেই হ'বে নিয়ম বলে, কালের চক্রে ;  
 —প্রজার ইচ্ছায় রাজা যে জন, সেইই সত্য রাজা ।  
 তুমি ? তোমার শক্তি ?—বটে ছুইটি ভুজে ধরে যাহ !  
 প্রজাশক্তি রুষ্ট হ'লে তাহা নাহি সহে ;  
 কোটি প্রজার অভিশাপ যা' উঠে উঠে দিবারাতি,  
 —জেনো সবাই—কখনই ব্যর্থ তাহা নহে ।  
 তাইতে তুমি, রাজাধিরাজ, গোলামেরও গোলাম আছি,  
 অগ্নি রাত্রির অন্ধকারে ভয়ে আত্মহারা ;—  
 সীমন্তি এঁ কুঁড়েয় শুয়ে—যখন বাইরে বইছে বাতাস,  
 যখন বাইরে প্রবল বেগে ঝরে জলধারা ।

৯

—কিছা সিরাজ কিসের হুঃখ ! একটি রাত্রে ভুজেছ তা',  
 আমরা যে সুখ ভুঞ্জি বর্ষে 'খুঁজে পেতে' নিয়ে ;  
 এক চুমুকে করেছো পান, আমরা যা' খাই চেকে চেকে !  
 পড়েছো ত পড়েছো, তা'ই এখন হুঃখ কি এ ?  
 —ভাবো সিরাজ তোমার প্রাসাদ, ভূষিত লঠনে ঝাড়ে ;  
 আলোবোলা টানা বসে' মণিরহাসনে ;  
 ভাবো আজ্ঞাবহ শত ভৃত্য—শুদ্ধ করে তোমার  
 ইচ্ছিতের অপেক্ষা মাত্র—ভাবো এখন মনে ।



## একাদশ চিত্র

ভাবো যে এশ্রাজে যুগ্ন অঙ্কারে তবলটাটি,  
ভাবো সে রমণী নৈত্রী বিলোল চাহনি ;

ভাবো শত নারী কণ্ঠে কল গীতি কল হাস্য ;  
ভাবো শ্রীচরণে তাঁদের শিঞ্জিনীর সে ধ্বনি ;

ভাবো সেই সে আলোকিত রাত্রি—সুভূষিত কক্ষে,  
স্বর্গ হ'তে অবতীর্ণ অঙ্গরাদের মেলা ;

ভাবো আজি ঘূর্ণমান সে পেশোয়াজে ; ভাবো আজি  
বিলাসের সে চরম সীমা—নারী নিয়ে খেলা ;

মনে কর আজি সে সব—জীবন ত ভোগ করে নেছ,  
কিসের দুঃখ, উঠে যা'রা তাদেরই হয় পতন ;

পতন না সম্ভবে কভু তাদের যা'রা চিরজীবন  
মাটি কামড়ে পড়ে' আছে আমাদিগের মতন ।

এখন তবে ভাব সে রাত, যে রাত তুমি সবার কেন্দ্র,  
তীব্র সুখে বিদ্ধ, অর্দ্ধ সুপ্ত, আস্থহারা ; •

মনে কর এখন তাহাই—বহুক বাইরে প্রবল বাতাস,  
ঝরুক বাইরের অঙ্ককারে প্রবল বারিধারা ।

১০

—আমার চক্ষু ভরে আসে তোমায় আজি কুঁড়েয় দেখে,  
—যদিও তা'ও তোমার প্রাপ্য নহে রাজাধিবাজ !

হত্যাকারীর ফাঁসী দেখে যে দুঃখে প্রাণ কোমল করে,  
রাবণেরও পতন দেখে যে দুঃখ হয় সিরাজ !

—কোথার তোমার মুর্শিদাবাদ প্রাসাদ, কোথার পর্ণকুটির  
তা'তেও তোমার মাথা রাখবার জায়গার কিছু অভাব ;  
৯. আগে হাতে মাথা কাটতে কত শত যেই তুমি—  
নিজের মীমা নিষে ব্যস্ত অত সেই নবাব ।

# দ্বাদশ চিত্র

## অদ্যপ

১

আমি না হয় বড়ই খারাপ ; তোমরা ত সব আছো ভালো !  
অনেক সূদা ভেড়ার মধ্যে ছোটো একটা থাকে কালো !  
‘আমায় কেন গালি পাড়ো ; করেছি কার কি অনিষ্ট ?  
বলেছি কি কারো কাছে আমি একটা যৌগুত্রীষ্ট ?  
‘হু’পয়ঙ্গ যা’ ঘরে আনি, নিজের শ্রমেই এনে থাকি ;  
‘উড়িয়ে দি তা’ উড়িয়ে দি, আর জমা রাখি জমা রাখি ।  
কতুর হয়ে যেদিন আমি তোমার কাছে চাইতে যাবো,  
না হয় ‘হু’ঘা বসিয়ে দিও, নীরব হয়ে লাঠি খাবো ।

২

‘আমায় তুমি ভালো বাসো ? বল যা’ তা’ অনুরাগে ?  
আমার অধঃপতন দেখে তোমার মনে ব্যথা লাগে ?  
আমি এটা করছি খারাপ, তা’ কি বুঝিয়ে দিতে আসো ?  
তবু বল ব্যথা লাগে ? তবু বল ভালো বাসো ?  
আমার জন্ত কেউ কি কতু নিজের স্বার্থকণা ছাড়ো ?  
ভালোবাসার লক্ষণ কি এ— আমায় শুদ্ধ গালি পাড়ো ?

৩

দেখ হয়ত আমি একটু বুদ্ধিশূণ্য স্বভাবতঃ,  
 ( আশা করা অশ্রয় সবার বুদ্ধি হবে তোমার মত )  
 তবু আমার বোধ হয় আমি এমন বোকা নইক ভারি ;  
 আমার বোধ হয়, আমায় একটা বুদ্ধিয়ে দিলে বুঝতে পারি  
 এটা খারাপ বুদ্ধিয়ে দিলে একটুখানি বলে ক'য়ে,  
 সুরা ছাড়বোনাক শুধু, থাকবো তোমার গোলাম হ'য়ে ।  
 স্বার্থ ছাড়া নাহি ছাড়া, বুঝবো আমার জন্ত ভাবো,  
 বুঝবো তুমি ভালোবাসো—এবং ভালো হ'য়ে যাবো ।

৪

—এসো বন্ধু কাছে বোসো ; বন্ধুভাবে তোমার কাছে,  
 নিতান্তই বন্ধুভাবে, আমার কিছু বলবার আছে ।  
 'বাক্যহানাহানি চকুরাঙারাঙি পরিহরি',  
 এসো' একটু শাস্ত্রভাবে বন্ধুভাবে তর্ক করি ।

৫

এটা খারাপ !—কিসে খারাপ ?—এতে শরীর খারাপ করে ?  
 রাত্রি জাগাও খারাপ তবে যাত্রায় কিম্বা ধিয়েটরে !  
 যে জন রাত্রি জাগে তাকে নিন্দা কর হেন ভাবে ?  
 আমি যদি উচ্ছন্ন যাই, উচ্ছন্ন ত সেও যাবে ।  
 কেবলি যে শুয়ে থাকে, পোলাউ কোন্সি খাচ্ছে খানি ;  
 যকুৎ খারাপ হতেই হবে ;—তারে এমন পাড়া গালি ?

## দ্বাদশ চিত্র

৬৯

ক্রমাগত সন্দেশ কিস্বা ইলিশ মৎস্য খেলে পরে,  
উদরাময় হোক বা না হোক, শরীর নিশ্চয় খারাপ করে ;  
'সর্ব মজ্জাস্তগহিতম্' এটা বটে আমি মানি,  
তবে কিসে খারাপ যদি একটু আধটু ব্যাণ্ডি টানি ?

৬

● পয়সা বেশী খরচ হয়?—তা হয় না আঁতর গোলাব মেখে ?  
ল্যাণ্ডো ফেটিন হাঁকিয়ে ? কি চোরঙ্গীতে বাড়ি রেখে ?  
তাকে তুমি নিন্দা কর ?—বরং বল দরাজ বটে ;  
একটা গেলাস ব্যাণ্ডি খেলেই বিশ্বশুদ্ধ কেন চটে ?  
হপ্তার মধ্যে হৃদমদ একবার করে' ব্যাণ্ডি টানি,  
স্বিজের পয়সায় কতক এবং পরের পয়সায় কতকখানি ।  
একটা নম্বর একের দাম ত পাঁচটি মুদ্রা ; তাতে ভাবো,  
পাঁচটি মুদ্রার ব্যাণ্ডি খেয়ে আমি ফঁতুর হয়ে যাবো ?

৭

তবে যদি মাত্রা চড়ে ?—সেটা বটে গুরুতর ;  
তবে কি না চড়ে না সে, ইচ্ছা যদি নাহি কর ;  
চড়তো যদি নেশা হোত, চড়তো যদি খেতাম নিত্য ;  
ব্যাণ্ডি আমার প্রভু নহে ; ব্যাণ্ডি আমার বাধা ভিত্য ।  
একটু আধটু রঙিন নেশা—সেটায় নাইক কোন বাধা,  
ব্যাণ্ডি নেহাই, মন্দ নহে—ব্যাণ্ডির নেশাই খারাপ দাদা ।

৮

মানি আমি সুরাপানে গোল্লায় গেছে অনেক লোকে,  
 অনেকে ~~ক~~ অনেক খারাপ কর্ম নেশার ঝোঁকে,—  
 জীপুলদের খেতে দিতে পারে নাক কোন মতে ;  
 মদের জন্ত বাড়ি হেড়ে ফির্তে হচ্ছে পথে পথে ;  
 —তখন কিন্তু সুরাই শ্রুত, তাঁ'রা তখন সুরার ভৃত্য,  
 তখন ত.সে হ'তে পারে গোষ্ঠীশুদ্ধ'র অপমৃত্যু ;  
 তখন সে নয় ত্র্যাণ্ডির নেশা, ত্র্যাণ্ডির নেশার নেশা সেটা,  
 যখন সে জন এমন অধম, তখন সে মরুক গে বেটা ।

৯

নারীর জন্ত হয়ে গেছে বিশ্বে অনেক মহা ক্ষতি,—  
 লঙ্কার পতন ট্রয়ের যুদ্ধ, আন্টোনিয়োর অধোগতি,  
 সুন্দ উপসুন্দের মৃত্যু, ইত্বের মহা ছরবস্থা,  
 সত্য হীরার মতন বিরল, সিখ্যা ধূলার মতন সস্তা ;—  
 'এ সব উর্দাহরণ দেখে', মানুষ কি ছাই এ সব ভেবে',  
 এ সংসারে তবে বাবা বিয়ে করা ছেড়ে দেবে ?

১০

ভূমির জন্ত করেনি কি অনেক যুদ্ধ অনেক জাতি ?  
 কুরুক্ষেত্রের মহাসমর, জাপান রুষের মাতামাতি,  
 অনেক শাঠ্য, অনেক বন্দ ; মোকদ্দমা ভারি ভারি ;  
 —সে জন্ত কি সবাই এখন ছেড়ে দেবে জমিদারি ?

আগুন আলাচ্ছেড়ে দেবে কারণ অগ্নি করে দাহন ?  
 নদীর জলে ডোরে বলে করবে না কি অবগাহন ?  
 মানবের ত মহাশত্রু চারিদিকে পদে পদে ;  
 আপত্তিকর নহে কিছু, আপত্তি বা শুধু মনে ?

১১

বলবে তুমি মন্ত খেলে লোকে বড় নিন্দা করে ।  
 সে ত মানুষ চিরকালটা করেই আসছে পরম্পরে ।  
 নিন্দাভাজন হলেই কেঁহ, মন্দ কি তায় হতেই হবে ?  
 ভারি বড় ছিলেন যাঁরা, নিন্দাভাজন ছিলেন সবু,  
 নিন্দা করে—আমার সঙ্গে মেলেনাক বলে' না কি ?  
 আমিও ছাই কেবল তাঁদের প্রশংসাই কি করে' থাকি

১২

তোমার মনে ব্যথা লাগে ?—এটা কিছু যুক্তি নহে ;  
 তা'তে কিছু প্রমাণ হয় কি ? এ কি ক্রোধ-শাস্ত্রে কহে ?  
 তোমার অনেক জিনিষ আমার ভাল লাগে নাক ভেবে,  
 আমি কি তাই পাড়বো গালি ? তুমি কি তাই ছেড়ে দেবে ?

১৩

বলতে পারো একটা কথা—সেটা হচ্ছে—শাস্ত্রে লেখে—  
 বিবেকেই মানুষ আসল তর্ফাং হচ্ছে পশু থেকে ;  
 মন্ত সেটা লুপ্ত করে—অর্থাৎ কি না—সেটার মানে—  
 মন্ত মানুষটাকে নেহাইং পশুরূ ধাপে টেনে আনে ;

তা' কি করা উচিত যা'তে মানুষ মনুষ্য হারায় ?  
 যা'তে শেষে মানুষ—কি না—পশুর খাপে গিয়ে দাঁড়ায় ?

১৪

আমি বল মনুষ্যের এ বুদ্ধিবৃত্তির তীব্রজালায়  
 মাঝে মাঝে এমনি হয় যে ইচ্ছা হয় যে ছুটে পালাই ।  
 রোগে শোকে অপমানে মানুষ যখন তীব্র ক্ষত,  
 তখন এ বিশ্বতি আসে যেন একটা সুখের মত ;  
 বুদ্ধিবৃত্তির রাজ্যে সে ত পড়ে' আছিই নিত্য কাজে ;  
 মন্দ কি এ নেশার রাজ্যে ছুটি নেওয়া মাঝে মাঝে ?—  
 যখন আসে উদাসভাবটা ; অথবা হতাশা বড় ;  
 যখন বাদলায় একা মনের অবস্থাটা গুরুতর ;  
 তখন নেশার আশ্রয় নিই, অবসন্ন হই পাছে—  
 আর সে, বল দেখি দাদা সুরার মত নেশা আছে ?

১৫

তবে এটা কিসের খারাপ ?—কি হে ভায়া কোথায় যাবে ?  
 ছেড়ে দিচ্ছিনাক দাদা ;—তর্ক কর বন্ধুভাবে ।  
 কিসে খারাপ মন্ত খাওয়া ?—কোনটি খারাপ কোনটি নহে,  
 নানাবিধ ঐ বিষয়ে নানাবিধ শাস্ত্রে কহে ।

১৬

আমারি অনিষ্ট যদি সুরাপানে—মানিই যদি—  
 তোমাদের কি স্বস্তি দাদা—গুলি পাড়া নিরবৃধি ?



আমার নিজের ইষ্টানিষ্ঠ ?—সে ত সবাই ভেবে থাক ;—  
 বুদ্ধিমাণে বোঝে সেটা, নির্বুদ্ধি তা বোঝে না ক ।  
 নিজের ভালো নিজের মন্দ, আপাত কি ভবিষ্যৎ,  
 সবাই একটু অধিক মাত্রায় বুঝে সেটা বিধিমতে ।  
 সেটা স্বার্থ ; ধর্ম্য নহে !—কুপণ যদি টাক্তা জমায়,  
 সেটা মহাধর্ম্য কেহই বলবে নাক কোন সময় ।  
 কেহ যদি স্বাস্থ্যের জন্ত নিত্য ব্যায়াম করে—সেও  
 মহা ধার্মিক ব্যক্তি, এমন বলবে নাক কভু কেহ ।  
 কিসা যে জন পড়ে কাব্য নিত্য ছ'পর রাত্রি যাপি,  
 কেহই বলবে নাক কভু সে জন একটা মহাপাপী ;  
 —তবেপরের ইষ্টানিষ্ঠে ভালোমন্দ আমি মানি,  
 পরকে দুঃখ দেওয়াই খারাপ, এইটি সত্য ক্রব জানি ।

১৭

যখন বুদ্ধ বেরিয়েছিলেন গৃহ ছেড়ে পথে পথে,  
 অতি বুদ্ধির কার্য সেটা হইছিল না কোন মতে ;  
 ত্রীষ্ট যখন পরের জন্ত ক্রুশের উপর যুরেছিলেন,  
 কেহই বলিব না যে তিনি বুদ্ধির কার্য করেছিলেন ;  
 যখন মাকে স্ত্রীকে ছেড়ে বেরিয়েছিলেন মহাপ্রভু,  
 নিজের স্বার্থ ভেবেছিলেন কেহই বলবে নাক কভু ;  
 বাহাদুর পৃথিবীতে হয়ে গেছেন চির ধনু,  
 নিজের জন্ত ভাবননিক, ভেবেছিলেন পরের জন্ত ।

তবে যে জন নিজের জন্ত নিজের ক্ষতিই করে' থাকে,  
 তাকে মূর্খ বল, কিন্তু পাপী বোলো নাক তাকে ;  
 কিন্তু আমি মূর্খ সেটাও স্বীকার কর্তে পারি নাক,  
 কিছু দিয়ে পাচ্ছি কিছু এটা যদি মনে রাখো ।  
 তোমরা অর্থ দিয়ে কেনো আত্র, মাংস, ফুত, চিনি ;  
 আমি বেটা টাকা দিয়ে' না হয় একটু ব্যাণ্ডি কিনি ।  
 তোমরা স্বাস্থ্য বিনিময়ে কেহই অর্থ কেনো না কি ?  
 আমি না হয় স্বাস্থ্য দিয়ে একটু আমোদ কিনে থাকি ।

বলবে তুমি আমি একটা সমাজের ত অঙ্গ বটে,  
 আমার কুদৃষ্টান্ত দেখে কেহ যদি পিছু হটে !  
 আমিই না হয় সুরাপানের উচিত মাত্রা রাখতে পারি,  
 কিন্তু সেরূপ মনের শক্তি আছে — বলবে—ক'জনাই  
 যখন আমার দেখাদেখি দশজন ব্যাণ্ডি ধর্তে পারে,  
 তখন পরের জন্ত আমায় বর্জন কর্তে হবে তারে ।  
 আমি বলি—আছে বিধে সূদৃষ্টান্ত এত ভাবে,  
 আমারই এ কুদৃষ্টান্ত কেন বেছে নিতে যাবে ?  
 —নেয়ই যদি, আশুক তবে শিক্ষা নিতে আমার কাছে  
 শিথিয়ে নেবো আশ্রয়কার কত রকম উপায় আছে ;  
 ধাপে ধাপে উঠিয়ে নেবো হাতটি ধর' এমনি ভাবে,  
 যে তার পরে মগ্ন খাওয়া ভারি সোজা হয়ে যাবে ।

—যদি সাতার না শিখে কেউ গভীর জলে ঝাঁপিয়ে পড়ে,  
আমায় কি দোষ দেবে কেহ, যদি বেটা ডুবে মরে !

২০

আসল কথা—ভোগের জন্ত সবই জিনিষ তৈরি ভবে,  
তবে তাদের নিজের মুঠোর মধ্যে করে নিতে হবে।  
সুখ যদি চালায় তোমায় তা'লে সুখা মহা অরি,  
সুখায় যদি চালাও তুমি; তা'লে সুখা শুভঙ্করী !

২১

—আমি দেখছি এটার একটা উচিত জবাব যদি না পাই,  
এবং আমার কবিতাটিকাগজে কি বইয়ে ছাপাই,  
সবাই তারি নিন্দা করবে—বলবে আমি মহা অরি—  
শুধু সুখা খাইনে ব'সে তার উপরে তর্ক করি।  
তর্ক করি সাধে দাড়া ?—তোমরা সবাই নিত্য হেন  
আমার বন্ধুগণে এবং আমায় গালি পাড়ো কেন ?  
নৈলে আমরা নিজের মজার নিজেই বিভোর হয়ে থাকি,  
সুখা দেবীর ভিন্ন বিশ্বে কারো না তোয়াক্কা রাখি।

২২

এমন জিনিষ আছে দাদা ! তরল সফেন রক্তররগ !  
বন্ধুর পরস্পরের প্রীতির এমন একটা উপকরণ !  
পানে অতি সাদা জিনিষ তাহাও দেখায় রঙিন ধরণ !  
অতি সামান্য যে গলা তাঁতে যেন বাজে বীণা !  
গালি দিলে, হস্তে বোঝা যায় না গালি দিলে কি না !

কইতে হাসতে নাচতে গাইতে থাকে নাক কোন বাধা !  
থাকে নাক চক্কুলজ্জা !—এমন জিনিষ আছে দাদা ?

২৩

আছে বিপদ মত্ত পানে, সেটা আমি বিশেষ মানি,  
তবে কেন বিপদটাকে ঘরের মধ্যে টেনে আনি ?  
মদের আমোদ যদি অল্প জিনিষেতে পেতে পারি,  
কেন ডাকি সেটার, যেটা হ'তে পারে অপকারী ?  
—জানানো কি বিপদ এবং আমোদেই ঘেঁষাঘেঁষি ?  
যেই খানে বিপদ অধিক, সেই খানে আমোদ বেশী ?  
মানুষঠেলা গাঁড়ি করে'ও যাওয়া যায় না কোন গতিক !  
তাহার চেয়ে তেজী ঘোড়া চড়ায় নয়ক আমোদ অধিক  
তা'কে দমন কর্তে পারায়, তা'কে নিজেয় বশে আনায়,  
( যদিও তা' কর্তে গিয়ে কেহ গিয়ে পড়ে খানায় )  
তবু তা'তে স্মৃতি, একটা বিশেষ রকম আছে যেন ;  
ক্রন্দন আছে বলেই স্মৃতি—নৈলে লোকে চড়ে কেন ?  
লাঠির চেয়ে তরোয়ালের খেলাই কেন কর্তে আসে ?  
শশক শীকার চেয়ে কেন ব্যাঘ্র শীকার ভালোবাসে ?  
বিপদ আছে মত্ত পানে বলে'ই তা'তে এমন মজা !  
বিপদটাকে পেড়ে ফেলে উড়িয়ে দিই জয়ধ্বজা ।  
আমি দক্ষিণ হস্তে নিয়ে সুরাপাত্রে সামনে ধরি',  
বলি তাকে দৃঢ়স্বরে—“দেখ সুরা ভয়করী !•

তুমি কাহার হাতে জানো ? দেখ চুপটি করে' থাক,  
 যাহাই বল, দু'টি আঁউগের বেশী আমি খাচ্ছি নাক ;  
 তুমি থাকবে আমার বশে অস্ত্র এবং পরে নিত্য,  
 মনে থাকে যেন সুরা তুমি আমার বাঁধা ভৃত্য ;  
 'দর্শনিয়ে খেলার মত আমি তোমায় নিয়ে খেলি—"  
 এই কথাটি বলে' তা'রে চ—ক করে গিলে ফেলি ।

২৪

—দেখ তোমরা পড়বে যা'রা কবিতাটি—এই স্থানে—  
 বলে' রাখি তোমরা যেন বুঝোনা ভুল আমার মানে ।  
 আমি বলছিলাকু তোমরা সবাই এখন সুরা ধরু ;  
 তা'হলে দাঁড়াবে এখন অবস্থাটি গুরুতর ।—  
 প্রথমত সুরার দামটা বেজায় রকম চড়ে' যাবে ;  
 তাহার গুরেছেলেয় বুড়োয় ক্রমাগত ব্যাণ্ডি খাবে ;  
 শুধু খাবেনাকু, খাবে নিত্য নিত্য দু'টিবেলা ;  
 সামাজিক সব কাজে হবে চারিদিকে অবহেলা ;  
 চলবে না কেউ সোজা হয়ে' ; আগে যেতে যাবে পিছু  
 কথা এমনি এড়িয়ে যাবে, কেহই বুঝবে নাক কিছু ;  
 গালি দেবে পরস্পরে এমনি বিক্রী-রকম ভাষায়,  
 থাকবে নাক তফাৎ কিছু ভদ্র ব্যক্তি এবং চাষায় ;  
 নিয়ম কি ভদ্রতা কিম্বা সাধুতা সব যাবে চুলোয় ;  
 মারামারি কাটাকাটি করে' মর্কে মানুষগুলোয় ।

খেয়ো নাক কেহ মণ্ড, খেয়ো নাক খেয়ো নাক,  
—বলছি সেটা বারে বারে,—তোমরা সবাই সাক্ষী থাক ।  
ভারি বিক্রী জিনিষ সুরা—ভয়ঙ্করী সর্বনাশী—  
যে খাবে তার মাথার দিবা—এখন তবে আমি অর্পসি ।

২৫

এবং তিনি গেলেন চলে—পরে ( ‘নয়ক বলা মিছে’ )  
বন্ধু গাড়িয়ে যেতে লাগলেন নীচে থেকে আরো নীচে ;  
কর্কনা বর্ণনা আমি সে ক্রমশঃ অধঃপতন ;—  
( সেটা যেমন চিরকালটা হয়ে থাকে, তারি মতন । )  
দেখলাম একটা তীক্ষ্ণ বুদ্ধি ঝাপসা হয়ে এলো ক্রমে ;  
—দেখলাম একটা মহৎ হৃদয় ঢেকে আসে মতিভ্রমে ;  
দেখলাম একটা মহা পুণ্য মলিন হয়ে আসে পাপে ;  
দেখলাম একটা সুস্থ শাস্তি ঢেকে আসে মনস্তাপে ;  
‘ছিলেন পূজা, ক্রমে তিনি সামান্য মনুষ্যমাত্র,  
ক্রমে বন্ধুবর্গের, ক্রমে মানুষেরও, কৃপাপাত্র ।’

২৬

বারো বছর পরে দেখা বন্ধুর সঙ্গে কলিকাতায়,  
একটি ক্ষুদ্র ভগ্ন গৃহে, বৌবাজারের মোড়ের মাথায়,  
“একি বন্ধু ?—এ অবস্থা ?—হেন স্থানে ? হেন বেশে ?  
ওহে বন্ধু ! বলেছিলাম হবে ইহাই পরিশেষে ;—  
সেদিন তর্ক করে’ ইহাই বুঝিয়ে তোমায় দিতেছিলাম !”  
—বলেন বন্ধু করুণ হেসে—“তর্কে কিন্তু জিতেছিলাম ।”

## ত্রয়োদশ চিত্র

### রাখাল বালক

১

রাত্রি প্রভাত হয়ে আসে ; পূর্বদিকে মেঘের গায়ে  
প্রভাত সূর্যের কিরণ এসে লাগে ;  
ডেকে উঠে কুঞ্জে পাখী ; ধীরে বহে স্নিগ্ধ বাতাস ;  
পুষ্পবনে সূর্যমুখী জাগে ;  
কমল ফোটে ; কন্দ ফোটে ; কনক-চাঁপার চারিধারে  
মধুর স্বরে গুঞ্জরিছে অলি ;—  
দূরক্ষেত্রে একাকিনী বিনম্রা অপরাঞ্জিতা  
সমীরণে পড়ে চলি' চলি' ;—  
ভেসে আসে পুষ্পগন্ধ চারিদিকে ; ঘাসের উপর  
পাতায় পাতায়, শিশিরবিন্দু খেলে ;  
নিদ্রাভেঙে ধরারাগী, তুলি' কোমল বদনখানি  
ইন্দীবর-চক্ষু ছুটি মেলে ;  
এমন সময় শিশিরসিক্ত কোমল ঘাসের উপর, দিয়া  
গাভীগুলি যাচ্ছে দলে দলে ;  
স্রষ্ট মনে উচ্চকণ্ঠে উচ্চারিয়া গ্রাম্য গীতি,  
সঙ্গে সঙ্গে রাখাল বালক চলে ।

## আলেখ্য

২

জাগি' দীর্ঘরাত্রি, মত্ত সুরাপানে;—সুদূর পুরে—

• ধনী যুবক ঘুমায় নেশার জেরে ;

নিদ্রা-শূন্য স্তম্ভতালু, উষ্ণ ভারাক্রান্ত শিরে,

জ্বরের রোগী এপাশ ওপাশ ফেরে ;

রাত্রি জাগরণে ছাত্র—এখনো নিদ্রালু—তুলি'

হস্ত দুটি বিজ্ঞপ্তনে রত ;

বৃদ্ধ বহির্ভাগে বসে জলটি ফেরায় ডাবা ছ'কোয় ;

• বাড়ীর দাসী করে ইতস্ততঃ

—এমন সময় চলেছে ঐ রাখালবালক বনগ্রামে,

সুহৃদেহ, আপনাতেই মগন ;

পরনে তার শুভ্র ধড়া, হস্তে যষ্টি, মুখে গীতি

পূর্ণ করি' সুনীল প্রভাত গগন ।

৩

মাথার উপর উদার আকাশ ; চরণে তরঙ্গায়িত

• শস্তক্ষেত্র করে কেবল ধূধু ;

গাছের উপর গাহে পাখী ; বহে' যাচ্ছে মুক্ত বাতাস,

মুক্ত ক্ষেত্রের উপর দিয়া শুধু ;

আকাশ হ'তে নেমে এসে, প্রভাতে সূর্য্য কিরণ পড়ে

• নির্ঝিরোধে মাঠের উপর ছেয়ে ;

পথের ধারে ফুটে আছে চামেলি, রজনীগন্ধা ;—

ফুলের গন্ধে ভ্রমর আসে ধেয়ে ;



## ত্রয়োদশ চিত্রে

৮১

নাইক পুরের আবিলাতা ;—নাইক উচ্চ সৌধচূড়া  
গর্ভভরে পৃথিবীর ধারে খাড়া ;  
নাইক জন-কোলাহল, কি শকটের ঘর্ষর ধ্বনি  
শাস্ত, স্থির ও স্তব্ধ এই পাড়া ;  
ভালী বনের ভিতর দিয়া, পতিত জমির পরপারে,  
পল্লীখানি আশ্রুকুঞ্জে ঘেরা ;  
গুটি কতক ভাঙা বাড়ি ( তারি মধ্যে একটি পাশে  
মহাজনের বাড়িখানিই সেরা ; )  
তাহার পিঠেই ক্ষুদ্র কুটার, অশ্বখ বিটপী-মূলে,  
ডোবার ধারে ;—রাখালটির সেই বাড়ী ।  
আছে গৃহে বৃদ্ধ মাতা, বিধবা এক ভগ্নী, দুইটি  
ভ্রাতা—একটি সম্পর্কীয়া নারী ।

৪

নাহি কোন বিলাস চিন্তা ; নাহি কোন উচ্চ আশা ;  
ঈর্ষা হিংসা হৃদয় নাহি দহে ;  
কেবল দুটি গ্রাসাচ্ছাদন—নিতান্ত অবর্জনীয়—  
নিতান্ত যা না হলেই নহে ;  
জ্ঞানেনাক ভূগোল, স্বরূপ, বিজ্ঞান, ভাষাতত্ত্ব, শাস্ত্র,  
ধর্মনীতি, রাষ্ট্রনীতির কথা,—  
তর্ক কি বক্তৃতা করা, পদ্ম কিম্বা গল্প লেখা,  
প্রাচ্য কিম্বা পাশ্চাত্য সভ্যতা ;

আছে কেবল সরল হৃদয়, আছে কেবল তুষ্ণ শান্তি,  
 চিন্তামুক্ত ঈর্ষাশূন্য মর্মে ;  
 আছে কেবল পিতার যত্ন, মাতার স্নেহ, ভ্রাতার প্রীতি,  
 বধূ মধু প্রণয় তারি সনে ।

৫

তথাপি এ জীবন নয়ক নিতান্তই সরল জীবন,  
 আহার মাত্রই চিন্তা তাদের নহে ;  
 তথাপি এ জীবন নয়ক একান্তই সুখের জীবন,  
 শোকদুঃখও তাদের হৃদয় দহে ;  
 কেবল মাত্র মধুর, স্বপ্নীন, বিমল শান্ত জীবন নয় সে,  
 - - প্রীতি, হাস্য, গীতি এবং ক্রীড়া ;  
 তাদের মধ্যেও চিন্তা আছে, অশান্তি সন্দেহ আছে,  
 আছে ব্যাধি, দুঃখ, মনঃপীড়া ;  
 তাদের মধ্যেও কেনা-বেচা, আছে বিবাদ, আছে,—আছে  
 উচ্চকণ্ঠে গ্রাম্য ভাষায় গালি ;  
 এ নহে বিপুল জীবন, গিরি-নিঝরিণীর মত  
 মিষ্ট, শান্ত, স্বচ্ছ, স্নিগ্ধ, ধালি ।

৬

তবে নাইক হাসির নীচে কুটিল জটিল কটাক্ষ, কি  
 স্ততির ছন্দে মানির ভাবটি পোয়া ;  
 তবে নাইক তাদের দত্ত হৃৎকের মধ্যে বিষের রাশি,  
 আলিঙ্গনের নীচে গুপ্ত ছোরা ;

## ত্রয়োদশ চিত্র

৮৩

তা'রা যখন লাঠি মারে, মারে তখন মাথার উপর,—  
সরল ভাবে, একেবারে সোজা ;  
তা'রা যখন গালি পাড়ে,—এমনি ভাষায় পাড়ে গালি,  
যে, যায় তাহা সহজেতেই বোঝা ;  
যেমন নগ্ন শরীর খানি, তেমনি তাদের মুক্ত হৃদয়,  
যেমনি হৃদয়, তেমনি তাদের ভাষা ;  
যেমন তাদের ভাষা সহজ, তেমনি তাদের কার্যাবলি ;  
যেমন কার্য তেমনি নম্র আশা ;  
তা'রা যদি চুরী করে, করে নেহা'ৎ পেটের দায়ে,—  
করে সেটি অতি সরলভাবে ;  
তা'রা যদি মিথ্যা বলে, এমনি ভাবে মিথ্যা বলে—  
যে তা শীঘ্রই ধরা পড়ে যাবে ।

৭

তবে তা'রা শিখছে ক্রমে চুরীর সঙ্গে জুয়োচুরী—  
মিথ্যা কথা—জেরায় যাহা টিকে ;  
উকীল ও মোক্তারের সাধু পরামর্শে ক্রমে ক্রমে  
সত্যতাটা নিচ্ছে তা'রা শিখে ;  
আদালতের চক্রে পড়ে বক্র হয়ে পড়ছে ক্রমে  
তা'দের শুদ্ধ, সরল মনের গতি ;  
সত্যতার সংস্পর্শে এসে, হচ্ছে একটু অধিক মাত্রায়  
সত্যতাতে তাদের পরিণতি ।

৮

হঃ রে চাষী,—জানিস্ না তুই জলে ছুঁড়ে ফেলে দিচ্ছিস্,

কিসের জন্ত হেলায় কি রত্ন এ ! :

কিন্‌ছিস্ হারামজাদী বুদ্ধি অমূল্য তো'র হৃদয় দিয়ে,—

কিন্‌ছিস্ কাচে হীরার বিনিময়ে !

যেমন ঘরের অন্ন দিয়ে আন্‌ছিস্ তুচ্ছ পরের পণ্য ;

আসল ফেলে নকল কচ্ছিস্ জাহির ;

টেনে আন্‌ছিস্ ঘরের ভিতর বাইরের শনি ক্রমে ক্রমে ;

ঘরের লক্ষী করে দিচ্ছিস্ বাহির ;

যেমন পেটে নাই খেলে ও পিঠে সবই সহিতে হবে,

বহিতে হবে ছুঃখের বোঝা ঘাড়ে ;

পেটের শক্তি কমিয়ে এনে বিচার করে' দেখতে হবে,

এখন কিসে পিঠের শক্তি বাড়ে ;

চুলোয় অগ্নি জ্বলতো যেটা, এখন সেত গ্যাছে 'চুলোয়',

চুলোর অগ্নি জলে এখন পেটে ;

চেকে রাখতে হবে দেহের অধিশিষ্ট অস্থি ক'খান

( মাংসাভাধে ) গারে জামা এটে ;

ক্রমে ক্রমে কুঁড়েখানি জুড়ে এসে বসুছে দেখ,—

ছুঁড়িষ্ক ও ম্যালেরিয়া মিলে ;

গোলা ভরা ধান্ণ ছিল—এখন রে তার পরিবর্তে

সম্পদ মাত্র জঠর ভরা পিলে ।

জমীদারকে খাজনা দিয়ে, কোম্পানীকে টেক্স দিয়ে,  
 ক্ষুদ্র আয়ের বাকী থাকে যেটা,—  
 বিভাগ করে' নিয়ে নেয় তা মোক্তার এবং মহাপ্রদর্শনে ;—  
 থাকেনাক তোমার কোন লেগ !

৯

ওরে চাষী, দেখে তোর শীর্ণ দেহে ছিন্ন বস্ত্র  
 আমার চক্ষু বাপে ভরে' আসে !  
 ওরে চাষী, সর্বস্ব তোর আদালতের পায়ে দিয়ে,  
 করিস্ নে তোর নিজের সর্বনাশে !  
 ওরে চাষী, হারাসনে তোর সবল দেহ, সম্মল জীবন,  
 সভ্যতার এই সংঘর্ষণে এসে ।  
 হারাসনে তোর শুদ্ধ হৃদয় বেশী বুদ্ধির ঘোরে পড়ে ;  
 ধনে মানে ফতুর হোসনে শেষে  
 হারাসনে তোর সুস্থ ক্ষুধা, গাঢ় নিদ্রা, মনের শান্তি,  
 হারাসনে তোর উচ্চ শুভ্র হাসি ।  
 হারাসনে তোর সদানন্দ পরিতুষ্ট ক্রীড়া, গল্প,  
 • হারাসনে তোর—'কেঠো, মেঠো' বাশি ।  
 ভ্রাতা-ভগ্নীর প্রতি প্রীতি, পুত্র-কন্যার প্রতি স্নেহ,  
 সম্মল ভক্তি বাপে এবং মা'তে ;  
 প্রাস্নি যা ঈশ্বরের কাছে—পাড়া-প্রতিবেশীর সঙ্গে  
 সম্বন্ধ—তাও গড়ে' নেওয়া হাতে ;

হারাস্নে তোর সরল ধর্ম—গঙ্গাস্নানে পুণ্য ভাবা,  
পর-দারে মাতা বলে' জানা ;

বৃক্ষের কাছে ও কৃতজ্ঞতা, সর্বভূতে দয়া-মায়া,  
গাইকে 'ভগবতী বলে' মানা ।

হেলায় হারাস্নেক এ সব,—যাতে তোরে করেছিল  
চাষার গেরা ওরে গ্রামবাসী !

—জগৎ খুঁজে এস গিয়ে—এখনো হে 'মিশনারি',  
কোথায় পাবে এমনধারা চাষী !

• ১০

হে সভ্যতা ! সর্বনাশটি করেছে ত আমাদিগের,  
এসছি বিকিয়ে ধর্ম হাতে ;

পায়ে ধরি, দূরে থাকো—বেচারীদের টেনে এনে  
ফেলোনাক তোমার হাড়িকাটে ।

এদের সোজা বিবাদ, তর্ক, সোজা লোকেই বোঝে ভালো ;  
—যাঁরা তাদের গ্রামের মধ্যে সেয়া ;

কেন এনে ফেলনাক এ মহা আবর্তে তাদের—

° উকীলদের এ সর্বনেশে “জেরা” ।

একে ছুঃখী দরিদ্র সে—তাদের ছুঃখের টাকা নিয়ে,  
দিওনাক বাক্যজীবীর হাতে ;

একে ম্যালেরিয়ায় শীর্ণ—একে চিন্তা-জরে জীর্ণ—  
তার উপর আর মেরোনাক ভাতে ।

# চতুর্দশ চিত্র

## • নেতা

১

কথায় কথায় যাচ্ছে শুধু কথা বেড়ে,  
গানে গানে ছেয়ে পড়লো দেশটা ;  
' কিছুই বোঝা যাচ্ছেনাক নেড়ে চেড়ে  
কি রকম যে দাঁড়ায় এখন শেষটা ।

সভায় সভায়, মাঠে হাটে, গোলেমালে,  
বক্তৃতাতে আকাশ পাতাল ফাটছে ;

যাদের সময় কাটুতোনাক কোন কালে,  
তাদের এখন খাসা সময় কাটছে ।

নেতায় নেতায় ক্রমেই দেশটা ভরে' গেল,  
সবাই নেতা সবাই উপদেষ্টা,—

'পেট্টিয়ে ত সঁবার গলা ধরে' গেল.

অন্ত কিছুর দেখাও যায় না চেষ্টা ।

লিখে লিখে সম্পাদকে কবিগণে  
ভীষণ তেজে অনুপ্রাসে কাঁদছে ;

সবাই বলছে কি কাজ এখন 'পিটিশনে'  
সবাই কিন্তু পারে ধরে'ই সাধছে ।

•২

খাটো লম্বা কবিতায় ও উপদেশে  
সবাই বোঝায়, সবাই খাসা বুঝছে ;—

## আলেখ্য

সবাই কিন্তু সভা হতে ঘরে এসে,  
নিজের নিজের আহার নিদ্রাই পুঞ্জছে।

নেতারা কেউ হাতে কোটে গায়ে এঁটে,  
সাহেবগুলোয় তেজে গালি পাড়ছে ;

রেশমি চাদর উড়িয়ে দিয়ে, তেড়ি কেটে,  
কেউবা জোরে 'মা মা' ধ্বনি ছাড়ছে ;

কেউবা হাতের কঙ্কার সখের রাখী বেঁধে,  
( ব্যয়টি তাতে একটি পয়সা মাত্র )

আর্য্য ভ্রাতার প্রতি বলছে কেঁদে কেঁদে—  
“বটে, তুমি নহ স্বণার পাত্র ।”

কেউবা বলে “দেশের জন্ত—যত চাহ,  
ইংরাজদিগে স্মখে গালি পাড়বো ;

কিন্তু স্বপ্নেও কভু তুমি ভোবোনাও,  
দেশের জন্ত নিজের কিছু ছাড়বো ।”

কেউবা খাসা নিজের থলে' ভরে' নিল  
দেশের নামে দিয়ে সবার ধাঙ্গা !

কেউবা খাসা ছপয়সা বেশ করে' নিল  
বিদেশীয়ে দিয়ে “দেশী” ছাঙ্গা ।

কেউবা বলে “শোন সবাই এই বাণী—  
রাখবো নু' আর বিজাতীয় চিহ্ন ;

অর্থাৎ কি না ছইঙ্কি এবং সোড়া পানি  
ম্যানিলা ও ভিনোলিয়া ভিন্ন ।



## চতুর্দশ চিত্র

৮৯

শুনেনেঁ সখাই এ ঘোর কঠোর দৃঢ় পল্ল  
বলে “এঁরাই সাঁধু এঁরাই প্লাঘা ।”

এতেও যদি বাঁচেন এঁরা—ভাবে মনে—  
সেটা দেশের বিশেষরকম ভাগ্য ।

৩

আমি বলি বোসো বোসো, গ্যাছে বোঝা ;  
ওহে নেতা ! ওহে স্বদেশভক্ত !  
স্বদেশহিতৈষণা নয়ক এত সোজা,  
সেটা একটু ইহার চেয়ে শক্ত ।

‘মা, মা’ বলে’, চঁচিয়ে ওঠা বারে বারে,  
‘ভাই ভাই’ বলে’ বাঁকা সুরে বায়না ;

তাতে তোমার ভাষার খ্যাতি হ’তে পারে ;  
স্বদেশভক্তির কাছেও ঘেঁষে যায়না ।

যেমনি তোমার হাতে একটা স্তম্ভবেঁধে,  
হৃদয়ের বিষ হয় না তোমার মিষ্ট,  
তেমনি হয় না বাউলসুরে গলা সেধে,  
স্বদেশভক্তি কস্মিনকালেও সৃষ্ট ।

কার্পেটমোড়া ত্রিভলকক্ষে বসে’ থেকে,  
‘মা মা’ বলে’ নাঁকিসুরে কালা ;

নিয়ম যাও সে ভক্তি বক্ষে চেপে রেখে,  
মা সে সৌখীন মাতৃভক্তি চান্না ।

—সুসন্তান কেউ দূরে বসে দেখে না সে  
মায়ের কেমন ভুবনমোহন কাঙ্ক্ষি!

তাহার কেবল মায়ের ব্যথাই মনে আসে,  
মায়ের স্নেহধারা অবিশ্রান্তি ।

পিকধ্বনি, শীতল ছায়া, 'জ্যোছনা'টি  
তাতে কাহার নাইক অনুরক্তি ?

হতে পারে তাতে কাব্য পরিপাটি,  
কিন্তু তাতে দেখায়নাক ভক্তি :

বিভোর হয়ে রাধাকৃষ্ণের ছবি নিয়ে,  
লম্পটেরও দেখা—নয়ক শক্তি ;

তাহারু-ভ্রম যে জন সংসার ছেড়ে দিয়ে  
কৌপীন নিতে পারে, সেইই ভক্তি ।

নিজের খাখার গুছিয়ে নিয়ে খেয়ে দেয়ে  
ফ্রেপাও নিয়ে স্কুলের ক'টি ছাত্র ;

পরের ছেলের ভবিষ্যতের মাথা খেয়ে,  
আপনি গিয়ে বোসোঁ বেড়ে গাত্র ।

খেতে না পায় পরের ছেলেই পাবে নাক,  
মরে ক'ড়ি পরের ছেলেই মর্বে ;

নিজের সিন্ধুক বন্ধ করে' বসে' থাক,  
( বটে, তখন তুমি তু কি করবে ? )

নামটি নিজের জাহির করে দিয়েছো ত,  
পেয়েছো যা ধর নিজের মস্তে ;

তুমি তাদের করতালি নিয়েছো ত,  
আশীষ তাদের দিয়ে যাও দুহস্তে ।

• —প্রবেশ কর্কে সংসারে সে পরে যবে,  
শাপ্বে তোমায় সে যৎপরোনাস্তি ;

পাপের শাস্তি থাকে, তোমায় পেতে হবে,  
ইহার জন্ত পেতেই হবে শাস্তি ।

৫

হারে মুঢ়—ইংরাজদিগে গালি দিয়ে  
দেশের প্রতি দেখায়নাক ভক্তি ;

দেশভক্তি নয়ক ছেলেখেলাটি এঁ,  
সেখানে চাই প্রাণ দেবার শক্তি ।

দেশের জন্ত দুঃখ নিতে হবে চেয়ে,  
দেশের জন্ত দিতে হবে রক্ত ;

সেটা হয় না টানাপাথার হাওয়া বেয়ে,  
সেটা একটু বিশেষ রকম শক্তি ।

পারো যদি—এসোরে ভাই—লাগো তবে,  
ধর ব্রত, অঙ্গ মাথো ভঙ্গ ;

• দেশের জন্ত গ্রামে গ্রামে ফির সবে,  
ভায়ের সেবায় দাওরে সর্বস্ব ।

মায়ের সেবা কর্তে সত্য চাহ যদি,  
ভায়ের সেবায় নিবেশ কর চিহ্ন ;

নিজের ভাবনা ছেড়ে, কর নিরবধি  
ভায়ের জীবনা তোমার ভাবনা নিত্য ।

টিয়ার মত দাঁড়ে বসে' ছোলা-খেমে,  
রাধাকৃষ্ণ বল্লভ হয় না ধর্ম ;

পরের জন্তে ভাবতে হবে জগতে এ,  
পরের জন্ত কর্তে হবে কর্ম ।

চাদর উড়িয়ে, মাথার বাঁকা সিথী কেটে,  
তক্তার উপর হয়ে উচ্চ ব্যক্তি,

'না মা' শব্দে আকাশ যায়ও যদি ফেটে,  
— দেখানো তায় হয় না মাতৃভক্তি ।

ফিটন চড়ে' টাউনহলে নেমে এসে,  
গেয়ে গান—সেও একটু বেশী মাত্রায়—  
স্বদেশাই তৈষণাটাকে পরিশেষে  
'স্বপ্নের' তুলে ভুলোর দলের যাত্রায় !

৬

নামের কাঙাল হায়রে ! ঘারে ঘারে ঘুরি'  
বেড়াচ্ছিলে—ভালো !—ওহে ক্রমিক !

— পরিশেষে নামের জন্ত জুয়াচুরী !  
মায়ের নামটাও কর্ছ অপবিত্র !!!

## পঞ্চদশ চিত্র

ভক্ত

১

তুমি কর নাইক বক্তৃতা, কি সভায়  
পড় নাইক কোন প্রবন্ধ ;  
শিশুশ্রমলোয় নিয়ে মস্তক ভক্ষণ করে'  
কর নাইক তাদের কবন্ধ ;  
তুমি চায়ের সঙ্গে মিষ্ট ছনোবন্দে,  
স্বদেশহিতৈষিতা চাকো নি  
তুমি সভায় উঠে ঝি ঝি ট' খান্নাজ সুরে  
উচ্ছে মা মা বলে' ডাকো নি ;  
নির্জনৈ, নীরবে, নিভূতে, নিতাস্ত  
গাওয়ারী জাপানী ধরণে  
আজন্ম অর্জিত ধনরাশি তোমার  
দিয়াছ জননী চরণে ।

২

নাইক তা'তে ছন্দ, অনুপ্রাসের গন্ধ,  
তোমার এ কর্তব্যনিষ্ঠাতে ;  
নাইক তা'তে হুর ত মা মা বুলি বেনী,  
ভাই ভাই শব্দ প্রতি পৃষ্ঠাতে ;

—কিন্তু কবিবর আজ বিনা অনুপ্রাণে,  
 বিনা ছন্দের কোন দায়িত্বে ;  
 যে কাব্য করেছ রচনা, নাহি তা  
 সমগ্র এ বঙ্গ সাহিত্যে ।

৩

এতদিন ত কেবল শুনেই আসছি বাবা !  
 —বধির প্রায় করেছে শ্রবণে—  
 উচ্চঃস্বরে মহাবীর্যে, আৰ্য্য জাতি  
 গালি দিচ্ছে যত যবনে ;  
 শুনেই আসছি শুদ্ধ ব্যাখ্যা আধ্যাত্মিকী,—  
 “গর্তাধানেধ, টিকি মাহাত্ম্যর ;  
 শুনেই আসছি “আমরা ছিলাম ভারি বড়  
 সন হুশ সত্তর কি বায়াডর” ;  
 দেখলাম না ত কিছু—দেখবার মধ্যে দেখি  
 হুকো হুইস্কি এবং নর্তকী ;  
 অভিধান কি পুরাণ খুঁজে দেখতে হচ্ছে  
 এই যে আৰ্য্য শব্দের অর্থ কি ।  
 দেশের জন্ত ভাবা, মায়ের জন্ত কাঁদা,  
 ভায়ের জন্তে দেওয়া—একালে,  
 এই বঙ্গদেশে, আজো যে সম্ভব, তা  
 যে মহাত্মা—তুমি শেখালে ।

ওরে মূঢ় ! ওরে প্রতারিত !—তোরা  
 এটার পক্ষন নাহি চেয়ে যাস্ ;  
 এটার ঠেলে ফেলে ছড়োছড়ি করে'  
 বক্তৃতাটি শুন্তে ধেয়ে যাস্ ;  
 ওরে মূর্থ !—জানিস্ মা মা বলে' সখের  
 অশ্রু ফেলা বেশী শক্ত নয় ;  
 যে জন চেঁচায় বেশী "দীনবন্ধু" বলে'  
 সে জন সত্যই বেশী ভক্ত নয় ;  
 যে জন কার্য্য করে, নিশ্চকে, নিভূতে,  
 নির্জনে, জননীর জন্ত—সেই  
 মোগ্য, সুসন্তান, সেই মায়ের প্রিয়পুত্র,  
 সেই সে জগন্নাথ, ধন্ত সেই ।

—অনু অন্ধকারে পূর্বদিকে ও কি  
 মেঘের পার্শ্বে জ্যোতির রেখা গো  
 অনু এ সুগভীর নৈরাশ্রে হৃদ্বিনে,  
 আশার মত যায় কি দেখা গো ;  
 যদি নয় সে উষা, যদি সে আলোয়া,  
 যুহুর্ভে যাবে সে মিশায়ে ;  
 তবে জেনো ধুব, রুখনো প্রভাত  
 হবে নাক অমানিশা এ ।

## আলেখ্য

ব্যঙ্গ-করি আমি ?—ব্যঙ্গ করি শুধু ?  
 নিন্দা করি শুধু—ফকলে ?  
 কভু না ! আসলে ভক্তি করি আমি,  
 ঘৃণা করি শুদ্ধ—নকলে ।  
 যেথা আবর্জনা, ধরি সম্মার্জনী ;  
 তাই বলে' আমিও অন্ধ না :  
 যেখানে দেবতা, ভক্তি-পুষ্প দিয়ে  
 স্তুতি ছন্দে করি বন্দনা ।  
 —যাও এ ছন্দ তবে—পড় মহেশ্বর ঐ  
 চরণারবিন্দে জড়ায় ;  
 পরে উর্দ্ধে উঠ—উর্দ্ধে উঠে পড়  
 সমগ্র এ বন্দে ছড়ায় ।



## ষোড়শ চিত্র

( রাজা )

১

তোমার টাকা আছে ?—আছে নু হয় টাকা,  
তোমার কাছে আমি কিছু চাচ্ছি নাক ;

যে চায়, মাথা নীচু করুক তোমার কাছে,  
মাথা নীচু কর্তে আমি যাচ্ছি নাক ।

কিসের তবে দর্প ? কিসের তবে গর্ব ?

কিসের জন্ত তোমায় এত শ্রেষ্ঠ ভাবো ?

তোমার কাছে আমি ভাবো কিসে খব ?

তোমার কাছে মাথা নীচু কর্তে যাবো ?

২

খাচ্ছ পোলাও তুমি ? খাও না ; পোলাও খে  
আমার চেয়ে তোমার বাঙেনিক কুখা ;

পোলাও তোমার কাছে নয়ক তেমন স্বাদ,  
যেমন এই শাকার আমার কাছে সুখা ।

শয়ন কর তুমি 'ছন্ধফেননিভ'

কোমল শয়্যায় যদি পাখার বাতাস খেয়ে ;

ছেঁড়ল মাত্র পেতে আমি ঘুমাই যদি ;

—তোমার নিদ্রা নয়ক গভীর আমার চেয়ে ।

## আলেখ্য

জুড়ি হাঁকাও তুমি, আমি যাচ্ছি হেঁটে,  
আমার পানে তাইতে চেয়েনাক নীচু ;

ত্রিতল হর্ম্য তোমার মার্কল মোড়া যদি,  
আমার কুঁড়ে'র চেয়ে ধন্য নয় সে কিছু ।

তোমায় পশুর মত যাচ্ছে টেনে নিয়ে,  
আমি হেঁটে যাচ্ছি নিজের পায়ের জোরে ;

তোমার প্রাসাদ ভবন সে ত পরের দেওয়া,  
আমার কুঁড়েখানি—নিজের গায়ের জোরে ।

তোমার হস্ত দুখান প্রজার রক্তে মাথা,  
তোমার পরীর সেও পুষ্ট পরের খেয়ে ;

তোমার মাথা—যদি মাথা বল তাকে—  
নয়ক বেশী কিছু পশুর মাথার চেয়ে ।

কিসের তবে দর্প ? কিসের তবে গর্ক ?  
কিসের জন্তু তোমায় এত শ্রেষ্ঠ ভাবো ?

তোমার চেয়ে আমি ভাবো কিসে খর্ব,  
তোমার কাছে মাথা নীচু কর্তে যাবো !

৩

ওরে ও ভাই চাষী ! ওরে ও ভাই তাঁতি !  
পড়িস্ নাক হুয়ে ; জানিস্ এ সব ফাঁকি ;

তোদের অগ্নে পুষ্ট, তোদের বঙ্গ গায়ে,  
কর্বে তোদের উপর রক্তবর্ণ-অঁাখি ?

নারিবন্ধ হয়ে, একবার মাথা তুলে,  
 দাঁড়া দেখি তোরা সবাই সোজা ভাবে ;—  
 দেখবি এই যে দস্ত, দেখাবি এই যে দর্প,  
 দেখবি এই যে স্পর্ধা,—চূর্ণ হয়ে যাবে ।  
 উঠে দাঁড়া দেখি—মানুষ যদি তোরা—  
 এদের সামনে কেন মাথা নুয়ে যাবি ?  
 সমস্বরে বল “এই সকলেরই মাটি,  
 কারো চেয়ে কারো বেশী নাইক দাবী ।”

৪

হারে মূর্খ, তোরা কাহার দাস্ত করিস্ ?  
 তোদেরই যে ভৃত্য তোদেরই সে প্রভু ?  
 তোরাই যদি তা' না নিতিস্, মাথায় করে  
 এই মে স্পর্ধা—তা'রা সাহস কর্তৃকভু ?  
 নাইক বিচার বলে' ভূমে পড়িস লুটে,  
 ধিক্কার দিস্ যে ভাগ্যে এ অভিসম্পাতে ;  
 জানিস্ নাকি অন্ধ ? ওরে হতভাগ্য—  
 তোদের ভাগ্য সে যে তোদের নিজের হাতে ।

“হা'রে কলি” বলে' মাথায় হস্ত রেখে,  
 ভূমিতলে পড়ে' গড়াস্ নিরবধি ;

টেনে আস্তে প্যারিস্ আবার সত্যযুগে,  
কলিকালে—তোরাই মনে করিস্ যদি।

হবে জানু পেতে একবার সমস্বরে,  
ডাকরে ভগবানে হয়ে বৃদ্ধসারি—

বলরে "প্রভু প্রাণে সেই শক্তি দাও, এ  
বিশ্বে আবার যাতে মাথা তুলতে পারি।"

## সপ্তদশ চিত্র

( কবি )

১

মহাবিশ্ব অনুকম্পায়

কুক্ক হয় নি যাহার প্রাণ ;

গাইতে হয় না কুক্ককঠ ;

তাহার মিথ্যা গাওয়াই গান ।

হোক না সুন্দর স্বরের ভঙ্গী,

হোক না সুন্দর তান ও শয় ;

গানের সঙ্গে নাইক প্রাণ যার,

তাহার সেই গান—গানই নয় ।

২

সৌন্দর্য্য নয় দেহের বর্ষ,

ওষ্ঠ অক্ষির আকার ভেদ,

গ্রীবা গণ্ডের প্রকার মাত্র ;—

সে ত শুদ্ধই অস্থি মেদ :

দণ্ডমাত্র আঁখির তৃপ্তি ;

• সুখের সেব্য, প্রেমের নক্ষ ;

যেথায় দীপ্ত প্রাণের দীপ্তি,

সে সৌন্দর্য্যই ধন্য হয় ।

৩

কাব্য নয়ক ইন্দোবন্ধ,  
 মিষ্ট-শব্দের কথার হার ;  
 কাব্যে কবির হৃদয় নাই যার,  
 তাহার কাব্য শব্দসার ।  
 যেথায় ভাষার, যেথায় মূর্ত্ত,  
 ব্যাকারিত, কবির প্রাণ ;  
 উৎসারিত মহা স্মৃতি,—  
 তাহাই কাব্য, তাহাই গান ।

৪

নিদাং সঙ্ঘ্যারু মহান্ দৃশু  
 বাহার পক্ষে বর্ণসার,  
 কবিই নয় নহে—তাহার আত্মা  
 শুদ্ধ পিণ্ড মৃত্তিকার ।  
 কবি সেই, যুগ সে সৌন্দর্য্যে  
 দেখে একটা মহা প্রাণ !  
 কবি সেই, যে দেখে বিশ্ব  
 গভীর অর্থে কম্পমান ।

## অষ্টাদশ চিত্র

( বিপত্নীক ২ )

১

হুস্তাম'নাক চিস্তাম নাক তোমায়'আমি, প্রিয়তমে,  
ষোল বছর আগে ;  
আমার জীবন তোমার জীবন'পৃথক্-গতি, এ সংসারের  
ছিল পৃথক্ উল্লগ !  
তোমার জগৎ নিয়ে তুমি, আমার জগৎ নিয়ে আমি,  
ছিলাম ত সে একা ;  
এক রকম ত যাচ্ছিল সে জীকম, নিরুৎসর্বে কেটে ;  
—কেন হোল দেখা ।

২

নিশায় প্রসারিত উল্কে অসীম সুনীল নভস্থলের  
মানচিত্রে, একা,  
পড়তেছিলাম গ্রহ-তালা-নীহারিকা-ধূমকেতুর—  
লীলাময়ী লেখা ;  
হঠাৎ তুমি পূর্বাঙ্গনে উদয় হলে, শরচ্ছন্দ,  
শীঘ্র গণিমায় ;  
ছেয়ে গেল আকাশ ভুবন, যথ মুগ্ধ পরিপূর্ণ  
সে শুভ্র জ্যোৎস্নায় ।

৩

এসেছিলে সে দিন তুমি, যেমন ক্লাস্ত নিদ্রাবেশে—  
 সুখ স্বপ্ন আসে ;  
 এসেছিলে, আসে যেমন কাস্তারে চামেলি গন্ধ,  
 ক্লান্ত বাতাসে ;  
 শুষ্ক তপ্ত নদীতটে উচ্ছ্বসিত কল্লোলিত  
 চেউয়েছ মত এসে,  
 স্বাতি হতে হারা একটি অজানা শ্রাণিণীর মত  
 কেঁথা গেলে ভেসে ।

৪

দিয়ে গেলে রেখে গেছে দুইটি শিশু—দুইটি মাত্র  
 উত্তরাধিকারে ;  
 আগে উদাস করে, পুরে তাদের দিয়ে জড়িয়ে রেখে,  
 গেলে এ সংসারে ।  
 কত যদি অসীম রাজ্যে তোমারে খুঁজিতে গিয়া  
 চাহি উর্দ্ধপানে ;  
 এরা দুজন দুইটি দিকে, আমার দুইটি হস্ত ধরে  
 ধূলায় টেনে আনে ।

৫

কতু ভাবি তোমার আমার মধ্যে, কি শেষ বোঝা পড়া  
 হয়ে গেছে—ভবে ;



কিন্মা অন্ত কোন জন্মে, কি অন্ত সৌর জগতে,  
আখ্যায় দেখা হবে ।

কঁধু হুবি, বিশ্বে প্রথম তোমার যে দিন দেখেছিলাম  
প্রথম দেখা সে কি ।

কিন্ম পূর্বে আমাদিগের জন্মান্তরে হয়েছিল  
কোথায় দেখা দেখি ।

৬°

এই ত ছিল দেবীমুক্তি; অলাপ, বিলাপ, হাস্য, সোদন,  
কর্ছিল ত কাছে ;

কোথায় গেল ? ফিরিয়ে দাও হে বিশ্বপতি ! দাবী করছি—  
বল কোথায় আছে ?

এই সে ছিল, গেল' কোথায় ? দেখা হবে আবার, কিন্মা

এ চির-বিচ্ছেদ ?

আমি পাল্লীম না ক ; তবে তুমি করে' দেও হে প্রভু  
এ রহস্য ভেদ ।

৭

—হারে মুখ ! কাহার কাছে কিসের জন্ত দাবী কর্ছিম্ ?  
জানিম্ না কি, ভবে,

যা হবার তা হবেই হবে ; মাথা খুঁড়ে মরিসু যদি—  
মা হবার তা হবে ।

কাহার কাছে বিচার চাচ্ছিম্ ?—বিচার কর্তা বহৎ দূরে,  
আর্জি বড়ই ক্ষুদ্র ;

তোর আর বিচার কর্তার মধ্যে, পড়ে' আছে উত্তাল এক  
প্রকাশ সমুদ্র । ১০

আজ পর্যন্ত শূন্যিক—শূনে কারো আর্ন্তধ্বনি  
ফিরেছে প্রবাহ ;

বাত্যা থেমে গেছে ; গেছে সমুদ্র শুকায়ে ; ধ্বগ্নি  
করে নাইক দাহ ;

উঠে মাত্র আর্ন্তধ্বনি, মিশে যেতে সমীরণে,  
ক্ষুধ মূর্ছনায় ;—

আমি কঁাদি, আমি কঁাদি, এ মহা ব্রহ্মাণ্ডে ভীহে—  
কাহার আসে যাব ।

৮

প্রিয়তমে ! আজি তুমি জানিনাক কোথায় গেছ ;  
কোথায় আছ আর ;

—কোন শাস্ত্রের কোন ধর্মের সাধ্য নাইক দিতে পারে  
তাহার স্মাচার—

যেথাকার্ক, (থাক যদি, ) আশা করি আছো সুখে,  
আশা করি তবে,—

তোমার জগৎ—যাহাই হোক না—আমাদের এ জগৎ চেয়ে  
কিছু ভাল হবে । ১০

## উনবিংশ চিত্র

( সত্যযুগ )

নির্মেষ অশ্রাবস্তা রাত্রি ; শুয়ে আছি উদ্ধমুখে হাতে মাথা রাখি ;—  
বাড়ীর সবাই ঘুমিয়ে গেছে ; জেগে আছি, বাড়ীর মধ্যে আমিই একাকী !  
সুন্ধ রাত্রির অন্ধকারে জলন্ত নক্ষত্রপুঞ্জ, চেয়ে দেখি দূরে ;  
ভাবি এত মহাজ্যোতি কি মহৎ উদ্দেশে উর্ধ্বে, মহাশূন্তে যুরে ?  
কোথায় সীমা পরিব্যাপ্তির ? কি স্বচ্ছ কি সুন্ধ আকাশ, কি গাঢ় !  
কি কালো !

আচ্ছা—ঐ যে মহাশূন্তের কতখানি অন্ধকার ?—আর কতখানি আলো ?

প্রত্যেক নক্ষত্রটি শুনি একটি একটি সৌরজগৎ—জ্যোতিষ শাস্ত্রে বলে—  
আবার শুনি ধীরে ধীরে মহা শূন্ত দ্বিয়া, প্রতি সৌরজগৎ চলে !  
তা'রাও তবে ভ্রমে বুকি ঘেরি' মহন্তর জ্যোতি, আরো দূর দেশে ;  
—যাহা অনুমেয় মাত্র ; যাহার রশ্মি পৌছে নাইক পৃথিবীতে এসে ;  
আরো দূরে—আরো দূরে—আরো দূরে—আরো দূরে, মহাশূন্ত মাঝে—  
আরো নীহারিকা আছে, আরো ধূমকেতু আছে, আরো জ্যোতি আছে !  
তবে জ্যোতির সংখ্যা নাই কি ? অন্ধকারের সীমা নাই কি ? শূন্তের  
নাই কি শেষ ?

তবে এই যে তোমার সৃষ্টি—ইহার আদ, ইহার অন্ত, কোথায় পরমেশ ?

৩

শুনি, পূর্বে ব্যাপ্তি ছিল জড়ীভূত একীভূত জ্যোতিঃ শূন্যে ;  
 ক্রমে ক্ষিপ্ত হোল জ্যোতি—সূর্য্যে, গ্রহে, উপগ্রহে, ধীরে ক্রমান্বয়ে ;  
 একটি সূর্য্য নিতে যাচ্ছে অক্ষকারের একটি প্রান্তে, শক্তি হ'লে ব্যয় ;  
 অপর প্রান্তে নূতন জ্যোতি—নূতন সূর্য্যে নূতন গ্রহে, কেন্দ্রীভূত হয় ।

৪

কি আশ্চর্য্য ! কি সম্পূর্ণ ! কি সুন্দর এ বিশ্ব বিকাশ হচ্ছে অহরহ !  
 ব্যাপ্তি হ'তে নীহারিকা, নীহারিকা হ'তে সূর্য্য, সূর্য্য হ'তে গ্রহ :  
 ক্রমে ক্রমে বিকাশ হতে আসে একটা মহা বিনাশ ; সৃষ্টি হ'তে লয় ;  
 কি ভাল কি মহা ছন্দে চলেছে এ মহা নিয়ম, এ ব্রহ্মাণ্ডময় ।

৫

ভাবি সে কি মহা আলা—“শূন্য”পাত্রের অক্ষকারে উর্ধ্বে দ্বন্দ্বঃ হ'তে—  
 সূটে উঠছে জ্যোতিবিন্দু, বিশ্ব ফেটে পড়লে শেষে, কোথায় যাচ্ছে উড়ে !  
 সে শক্তিমণ্ডলী কোথায় ?—‘যাহার বিকশিত শক্তি’ দোরাচ্ছে, গগনে,  
 বিশ্বঘড়ির কোণে কক্ষায়, কোটি এ জ্যোতিষ্ক চক্রে, মহা আবর্তনে ।

৬

এ দিকে এ জড়শক্তি হ'তে বিশ্বে জীবন উদয় ; জীবন হ'তে ক্রমে  
 অনুভূতি ; অনুভূতি হ'তে বুদ্ধি—ব্রহ্মরূপে, বহু পরিশ্রমে ;  
 জীবপঙ্ক হ'তে কীটে, তাহা হ'তে সরীসৃপে, তাহা হ'তে পুরে ;  
 পতঙ্গ, পতঙ্গ হ'তে স্তনী জীবে, স্তনী প্রাণী পরিশেষে নরে ।

৭

এই কি তবে অন্তিম বিকাশ ? এই কি জীবের চরম গাভ ?

নাই কি কিছু পরে

ইহার পরে নাই কি জীবের মহৎ হ'তে পরিণতি আরো মহত্তরে ?

আবার ক্সাবে জীবন ঘুরে—যেমন মূলে হতে কাণ্ড, শাখ পত্র, ফুল, ফুলের পবিণতি ফলে, তাহা হ'তে সমুদ্ভূত আবার বৃক্ষমূল ?

৮

কি আশ্চর্য্য অরজন্য !—প্রথমত মাংসপিণ্ড রুদ্ধ গর্ভ মাঝে

নাইক তাহার বিশেষ তফাৎ আদিম জীব পক্ষ হ'তে (স্পন্দন মাত্র আছে)

ক্রমে ক্রমে মাংসপিণ্ড ধরে আকার মনুষ্যেরই—মায়ামস্ত্র একি ?

ভূমিষ্ঠ সে হ'বার সময়, তথাপি মর্কটের সঙ্গে সোসাদৃশ্য দেখি ।

আছে মাত্র ক্ষুধা তাহার, ক্ষুধা পে'লে কাঁদে সেটা, তৃপ্ত হ'লে হাসে ?

বাড়ে শিশু—ধরে তাহার মনোবৃত্তি ক্রমে ক্রমে কোথা হ'তে আসে ?

আত্মচিন্তা ক্রমে ক্রমে বিকশিত পর-চিন্তায়,—বুদ্ধি ও বিবেকে ;

পরিণত মাংসপিণ্ড-বৃদ্ধ বা শকরাচার্য্যে ক্রমে কোথা থেকে ?

বালুবেলে ক্ষুদ্র হ'লেও বুদ্ধিবলে শ্রেষ্ঠ প্রাণী—সে এই বিস্তারে ;

মুক ও অন্ধ পক্ষভূতে বেঁধে ভূত্যসম খাটায়, নিজ বুদ্ধি বলে !

তীর্ণ করে মহাসিন্ধু, দীর্ণ করে মহীধরে, ভিন্ন করে বায়ু,

নির্গয় করে নক্ষত্রদের দূরত্ব ও গ্রহের গতি, সূর্য্যের পরমাণু ;

পরিশেষে !—বোলো না আর, দেখায়োনা দেখায়োনা অন্তিম কি হবে ;

কেলে দাঁও এ যবনিকা—উজ্জ্বল রঙিন রঙ্গ মঞ্চ আলোকিত হবে ;

উচ্চ হর্ষ ধ্বনি-মধ্যে, বিজয় ছন্দুভি-মধ্যে, প্রে সন্মিলনে,  
ফেলে দাঁও এ বর্ননিকা ; নিয়ে যাই এ সূত্থের স্মৃতি গৃহে সৃষ্ট মনে ।

৯

কিন্তু না না বলতে হবে সত্য কথা—পূর্ণ সত্য, যেমনি সে হোক—  
সে দিনের সে কথা, বেদিন চোলে যাবে শ্রেষ্ঠ প্রাণী, ছেড়ে ইহলোক ।  
মৃত্যু ঘন কক্ষ বেগে দাঁড়াইবে এ মহা স্পর্ধা অবরুদ্ধ বর্ন',—  
বলবে—“দাঁড়াও, চলে এসো, এখন আমার সঙ্গে”—কোথা ?

জান্তে পারবে পরে ।”

এত বুদ্ধি, চেপ্টা করে' এত রকম বিজ্ঞা শেখা, এত চিন্তা করা,  
এত স্নেহ, এত স্হা, প্রিয়জনের জন্ত এত স্বার্থত্যাগে ভরা,  
এত ইচ্ছা, সূত্থের এত আগ্রহ ও আয়োজন সব,—এসে বলবে যম,  
নিষ্ঠুর রূঢ় শুষ্ক ভাষায় “হারে খুচ এ সব তোমার বৃথা পণ্ড্রশ্রম !”

১০

সমাজের সভ্যতার ধর্মের—সবারই সেই একই নিয়ম এ পৃথিবীময়—  
জড়ে হতে বিশেষে বা রাশি হতে পৃথকে তার পরিণতি হয় ।  
পরিশেষে বর্নরতা-উচ্ছেদ-অধর্ম-স্পর্শে তাহা ভেঙ্গে পড়ে ;  
যাহা মানুষ কর্ত পুরুষ কত শত শতাব্দীতে, এত যত্নে গড়ে ।

১১

যদি প্রলয়, যদি মৃত্যু, যদি বিনাশ প্রতি বস্তুর অবশ্যই হবে ;  
এ সৃষ্টি এ জন্ম, এত পণ্ড্রশ্রমে বিশ্ব জুড়ে নিত্য কেন তবে ?  
কেন এত বিজ্ঞান, দর্শন, মানুষ যত্নে তৈরী কর্ছে এত ক্লেশে, ভবে,  
পৃথিবীর প্রলয়ের সঙ্গে সেই সব মহা আবিষ্কৃতি যদি লুপ্ত হবে ?

এমন সুন্দর ? এমন মহান ; এমন বিশ্বব্যাপী বিকাশ—এ কি মহা ভ্রম ?  
 এ ব্রহ্মাণ্ড খেলামাত্র ? শিশুর ধুলির প্রাসাদ গড়া ? ঐশ্বর্য পণ্ড্রম ?  
 এই যে মহাসৃষ্টি—একি শূণ্ডে উড্ডীন পরমাণুর উদ্ভাস্ত সম্প্রদায় ?  
 এ আশ্চর্য্য বিশ্বনিয়ম এ আশ্চর্য্য বুদ্ধি বিকাশ—একি অকস্মাৎ ?  
 এই যে আকাশ ব্যোমে এই যে মহাছন্দে মহানৃত্য, গীতি সুগভীর ?  
 এ কি ভাব-শূণ্ড প্রয়োপ ? এ কি মদোন্মত্ত হাশ্ব ব্রহ্মাণ্ড পতিত ?

১২

না না আছে হহা অথ, আমরা খুঁজে বেড়াচ্ছি তার কাছে কাছে কাছে  
 বুঝতে পাচ্ছি না, কিন্তু এটা বুঝতে পাচ্ছি যে তার অর্থ কিছু আছে ।  
 সঙ্কীর্ণ মনুষ্য বুদ্ধি ; অসীম এ ব্রহ্মাণ্ড ; আমরা বুঝবো তা কি ঠিক ?  
 আমরা দেখতে পাচ্ছি হেথায় সে মহা স্ফটিকের মাত্র একটি ক্ষুদ্র দিক ।  
 না না সৃষ্টির আছেই আছে কোন গুপ্ত অভিপ্রায় ও উদ্দেশ্য মহৎ ;  
 আছে প্রাণীর নরের বিশ্বের—একটা উচ্চতর কিছু শ্রেয়ঃ ভবিষ্যৎ !

১৩

আমি দেখছি যেন দূরে, দূরত্বে অস্পষ্ট একটা আলোকিত স্থান ;—  
 যেখানে সৌন্দর্য্য উৎস উঠছে, ও ব্যঙ্কিত হচ্ছে অবিশ্রান্ত গান ।  
 গুঁড়ছি মনে মনে একটি উজ্জ্বল সুন্দর ভবিষ্যতে বসে আমরা কথি ;  
 ( যেমন মাতা মনে মনে গর্ভস্থ সন্তানের একটি গড়ে মুখচ্ছবি— )  
 সেখানে এই পৃথিবীর এ ছঃখজ্বালা বিষাদ বিরাগ রবে না এ ভাবে  
 যেখানে এই বর্তমানের অতীব, ক্রটি, অপূর্ণতা, পূর্ণ হয়ে যাবে ;  
 বন্ধুর হবে মঙ্গল ; ও ঢেকে যাবে গিরিগুহা আলোকিত হুদে ;  
 কর্কশ যাহা—হবে মধুর ; শূণ্ড হবে পরিপূর্ণ সৌন্দর্য্য সম্পদে ;

যেখানে অদৃশ্য হখে দৃশ্যমান; অশ্রুত যাঁহা—হবে পরিশ্রুত  
 যেখানে অব্যক্ত হইবে ব্যক্ত; ও অননুভূত হবে অনুভূত;  
 চিন্তা হইবে বৃগ্ণময়ী; বৃত্তি হইবে মূর্ত্তিময়ী; লীলাময়ী এত;  
 অবোধ্য যা বোধ্য হইবে; অস্পষ্টতয়া স্পষ্ট হইবে; অজ্ঞাত হই জ্ঞাত  
 দূরত্ব অতীত হইবে; জটিল যাঁহা সহজ হইবে; দুঃখ হইবে দূর;  
 পরার্থেই ইচ্ছা হইবে; ইচ্ছা হইবে ফলবতী; কার্য সুমধুর;  
 আলোকে সঙ্গীতে পূর্ণ, আনন্দে উল্লাসে মুগ্ধ, বিজ্ঞানে মহৎ,  
 স্বার্থত্যাগে স্বর্গীয়; সে গগনে গগনে ব্যাপ্ত—মহা ভবিষ্যৎ।

সম্পূর্ণ







